

Hset Jon

1 *Bầu plình wih wia xech akia*

¹ Baxèm i Bàu , Bàu aih oe ti Boc Plình ,èh Bàu aih raq Boc plình. ² Haq oe ti Boc Plình enh jò baxèm . ³ Rìm yiniq khoe jah broq loh enh haq , ùh i yiniq cleq ma i ðeh enh gùng ka haq. ⁴ Ta haq i kan rih , èh kan rih aih raq kan qngah am ka kon mangai . ⁵ Kan qngah sreo ta clam mahaq kan clam ùh waq kan qngah. ⁶ I moeq ngai Boc Plình thê haq trùh,yiniq haq Jon . ⁷ Haq trùh hu anoe panhìn ka kan qngah aih ,dôq mangai lùì ðeh hra. ⁸ Cla haq aih ùh xài kan qngah ,mahaq anoe am ka kan qngah . ⁹ Kan qngah kô , aih raq joq kan qngah joq qnàng , jò haq trùh crông taneh kô sreo qngah ka rìm ngai. ¹⁰ Bàu aih oe crông taneh kô , crông taneh kô loh enh haq, crông taneh kô ùh canau ka haq . ¹¹ Haq khoe trùh ta gùng cla ,mahaq wì ta aih ùh waq ka haq. ¹² Mahaq waq toq cabô hi lùì haq ,aih haq hi am ka mangai aih cwàng ðoeq hu wia kon Boc Plình ¹³ aih bài mangai ùh xài loh enh mahim jan, ùh xài loh enh ổng mai , enh manoh mangai , mahaq loh enh Boc Plình .

¹⁴ Bàu khoe wih wia xech akia ,oe ta qne bèn , bình halùih kan tabàih xam trong joq qnàng ,bèn khoe haqmiang hnoq kan ranhòm haq, joq kan ranhòm da Kon mòeq loh enh Baq . ¹⁵ Jò anoe trùh Haq , Jon ðeh bàu doe: Kô raq Mangai au khoe ràu trùh jò au doe : Haq mangai trùh atiq ka au ,mahaq ùh hnau ka au , majah qmang aih haq i adroe ka au . ¹⁶ Aih iq ,jao kan bình halùih ta haq bèn majah kan tabàih yeo bəc hòm . ¹⁷ Majah qmang aih ,ranenh khoe paqnoh enh Môise ,yàng kan tabàih xam trong joq qnàng aih trùh enh Jesus Christ . ¹⁸ Qnhòq i cabô hmaq hnoq Boc Plình ,enh gùng ka Kon mòeq oe ta manoh Baq, Haq aih raq Mangai mahnu Baq am ka bèn.

Jon Baptit hangah ðeh ùh xài Christ.....

¹⁹ Kô bàu Jon paqnoh , jò mangai Juda thê bài mangai pajàu ,bài mangai Lêwi enh Jérusalem trùh bòch haq : Ìh kô iq cabô ? ²⁰ Haq tapoch hloh ùh hangah moeq nà cleq , doe raðeh ùh xài Christ . ²¹ Wì bòch hòm : qmang aih ìh qmat kabô ? Ìh qmat Êli ùh xài ?Haq padreo bàu : Ùh xài ! Ìh qmat pajàu ùh xài? Haq padreo bàu : Ùh xài . ²² Wì hi bòch : Qmang aih ìh kô iq cabô ? dôq nhèn loq ðoeq nhèn hu anoe hlài ka mangai ma thê nhèn lam . Ìh doe raðeh cabô ? ²³ Haq padreo bàu : Au kô bàu mangai creo ta gùng hawit : “Pajang trong ka Chuaq .” ²⁴ Bài mangai wì ma thê trùh ta Jon, aih ðiq mangai Pharisi . ²⁵ Wì bòch clò hòm : Tàng joq ìh ùh xài Christ , ùh xài Êli ,ùh xài pajàu , òq hagleq ìh ma jah broq baptem ka wì ? ²⁶ Jon doe : Au broq baptem xi diac , mahaq i moeq ngai oe ta qne pì mahaq pì ùh canau . ²⁷ Aih raq Mangai trùh atiq ka au , au qnhòq tajì ka jah broq mangai kùp doeh caxi jep haq . ²⁸ Bài yiniq kô ðiq loh ta gùng Bêthani ,apah tau cròng diac Jôðan , nòe Jon broq baptem.

²⁹ Trùh hì atiq ,Jon hnoq Chuaq Jesus trùh ti raðeh , haq doe : Hatau , Kon trùu da Boc Plình , Mangai ma hu ðèch ðong yiniq lui ta crông taneh ! ³⁰ Haq qmat raq mangai au ma khoe doe i Mangai trùh atiq ka au , mahaq yiloe ka au ,majah qmang aih haq i adroe ka au. ³¹ Cla au ùh qnì ka Haq , mahaq au khoe trùh broq baptem xam diac dôq Haq jah mahnu qnoh ka mangai Isorali . ³² Jon anoe am hòm : Au khoe hnoq Yiang Hadròeh enh plình tiah ka trù loh jràp Haq . ³³ Au joq ùh qnì ka Haq ,mahaq Yiang ma thê au broq baptem xi diac i doe ka au rameh : Mangai ìh ma hnoqYiang

Hadròeh loh jràp oe ti haq ,aih raq Mangai broq baptem xi Yiang Hadròeh . ³⁴ Au khoe hnoq, au majah doe : Haq aih raq kon Boc Plinh.

Mangai tiaq hóc Jon tawih tiaq Jesus.....

³⁵ Hì da èh rameh , Jon oe ta aih ti baiq ngai tiaq hóc haq. ³⁶ Hnoq Chuaq Jesus pagat trong aih ,haq doe: Hatau ,Kon trùu Boc Plinh . ³⁷ Baiq ngai tiaq hóc tàng bàu aih , wa hi lam tiaq Chuaq Jesus . ³⁸ Chuaq Jesus wih ngan, hnoq wa aih lam tiaq dađeh ,haq bòch : “ Chôp chaq cleq? .” Wa aih padreo bàu: Rabi (aih mangai hnài.) Ìh oe ta leq? ³⁹ Chuaq Jesus têu wa : “ Lam ngan beq!”Wa aih hi lam , hnoq nòe Chuaq Jesus oe , wa haq hi oe ti haq, jò aih qnah ta pôn jò di xèq . ⁴⁰ Wa baiq ngai ma tàng bàu Jon doe, èh lam tiaq hloe haq , aih moeq ngai yiniq haq Anrê ,oh Simôn Phiero . ⁴¹ Angoe aih, haq lam chaq deh daq haq aih Simôn , haq hi anoe : Nhèn khoe glàm Mêsi (Mêsi aih Christ) . ⁴² Haq hi qnung Simôn trùh ti Chuaq Jesus. Bu hnoq Simôn , Chuaq Jesus doe : “Ìh kô Simôn kon Jôna , pang kô èh jah creo ka ìh Sêpha” (aih Phiero) .

⁴³ Trùh hì atiq hòim , Chuaq Jesus tồc ta gùng Galili ,chaq Philip , haq creo : “Drah tiaq au .”⁴⁴ Philip aih oe gùng Bêtsai-đa ,moeq gùng ka wa Anrê wa Phiero . ⁴⁵ Philip chaq Natha-naên ,haq doe : Nhèn khoe hnoq Mangai Môise ma achìh ta hset ranenh nèh ,bài pajàu hanoh ràu trùh ,aih Chuaq Jesus mangai ta Naxaret ,kon da Jôsep . ⁴⁶ Natha-naên bòch : A lah i cleq ma wia loh enh gùng Naxaret ùh? Philip doe : Trùh ngan beq . ⁴⁷ Jò Chuaq Jesus hnoq Natha-naên trùh ti dađeh ,haq doe : “ Kô , majoq mangai Isorali joq qnàng , enh dalam ka haq ùh i qmòe mòeq yiniq cleq jùh jùn” ⁴⁸ Natha-naên bòch : Enh leq ìh ma jah loq ka au? Chuaq Jesus padreo bàu : “ Adroe ka Philip creo ka ìh , au khoe hnoq ìh jò ìh oe anòe xem long póc . ⁴⁹ Natha-naên hi doe : Rabi ! Ìh kô joq kon calô Boc Plinh !⁵⁰ Chuaq Jesus doe : “ Au khoe doe au hnoq ìh oe anòe xem long póc ìh majah lùì, kô èh ìh jah hnoq trong ùh hnau ka aih . ⁵¹ Haq anoe hòim : “ Joq qnàng ,au anoe diq ka pì ,kô èh pì jah hnoq plình tapèch , xam bài bình plình Boc Plinh tồc loh ajang Kon mangai .

Acaq ôq ổng mai ta Cana

2

¹ Piq hì atiq ka aih , i wì acaq yiniang ta Cana, trong gùng Galili , miq da Chuaq Jesus i mat ta aih ² Chuaq Jesus xam mangai tiaq hóc hanoh jah akhen . ³Jò wì bu diq ka alac , miq Chuaq Jesus doe ka haq : Wì pì i ka alac !⁴ Chuaq Jesus padreo bàu : “ Mangai gucadrì meh ,yiniq cleq ka ba ? Jò da au qnhòq lap trùh ! ⁵ Miq Haq tanap ka bài mangai patih : Haq i thê cleq , pì broq tiaq diq dồng . ⁶ Ta aih i tadràu toq padri hmo , padon òeq hu qnheo jènh ka mangai Juda , moeq toq jah padam ùh ta dràu jàt lit diac . ⁷ Chuaq Jesus thê wì ùc diac bình ta aih ,wì ùc bình trùh ta ngah . ⁸ Chuaq Jesus doe : “Manòeq pì qmùc diac qmat beq , aràng am ka mangai ma ngan acaq ôq hì kô” .Wì hi qnàng ka haq aih . ⁹ Jò haq aih ôq diac khoe wia alac (haq ùh qnì alac kô loh enh leq , toq mangai patih ma i qmùc diac aih ma loq) haq creo ka cla kon ổng,¹⁰ rai doe : Da mangai qnoeq qnoh alac jiang adroe, jò wì ôq khoe bàc , èh qnoh alac qnang lem .Da ìh kô aih don òeq alac jiang trùh manòeq . ¹¹ Aih ìq oe ta Cana ,gùng Galili , Chuaq Jesus baxèm broq trong halac , rai mahno kan ranhòm dađeh , bài mangai tiaq hóc hi lùì haq .

¹² Khoe aih , Chuaq Jesus xam miq haq xam bài oh daq haq xam mangai tiaq hóc , diq loh ta Cabênaum ,wì oe ta aih biaq hì raq.

Ta Jérusalem, Jesus drùh bài mangai padro.....

¹³ Hì ramènh Pan cwa da mangai Juda khoe ten trùh, Chuaq Jesus tồc ta Jérusalem . ¹⁴ Tanòe hamlang hñem kùh waiq , haq hnoq bài wì qnang tapadro :bo , trùu ,trù , qnah mangai qnoeq hòm qnang hangui ti halih bac jèn ¹⁵ Chuaq Jesus đênh moeq hadrang long roe caxi, haq hnan qnoh dồng enh gùng ka nòe hñem kùh waiq, xam bo xam trùu , ùc cađac bac mangai ma padro bac jèn , hacùp hloe da wì aih cabông . ¹⁶ Haq doe ka mangai atech trù : “ Qnoh ma diq bài cleq qmat loh enh gùng ka nòe kô , apaq broq ka hñem Baq au loh nòe padro baxen . ¹⁷ Mangai tiaq hóc hmàng hlài i bàu ma khoe achìh : “Kan nhet dèh ka hñim Baq khoe bùh cheo au”.¹⁸ Bài mangai Juda rahen ka haq : Ìh broq qmang qmat , ìh i dōq nhèn hnoq kan halac leq ùh , đòeq nhèn ma hu loq ìh cwiàng broq qmang kô ? ¹⁹ Chuaq Jesus padreo bàu : “ Raliang hñem kô beq ! Piq hì raq ,au hì paqnàng hlài ” ²⁰ Mangai Juda doe : Wì broq hñem kùh waiq kô diq qmòe pôn jàt tadràu hanam , aih ìh ma doe ra đêh dèch haq piq hì raq? ²¹ Mahaq hñim kùh waiq Chuaq Jesus ma anoe aih chac cla haq . ²² Khoe ka Chuaq Jesus rìh hlài enh kan cachit , mangai tiaq hóc hèm hlài haq i anoe bàu aih , aih wì ma hì lùì bàu hset hadròeh xam bàu Chuaq Jesus ma khoe tapoch.

²³ Hì ramènh Pan cwa , Chuaq Jesus qnang oe ta Jérusalem , bàc ngai hnoq kan halac haq broq, wì hì lùì yiniq haq.²⁴ Mahaq Chuaq Jesus ùh dōq rađeh mùt ta ti kōngwì ,majah qmang aih haq loq ka manoh rìm ngai . ²⁵ ùh ep i cabô doe , majah qmang aih haq loq đêh rìm yiniq oe ta manoh mangai .

Jesus hatuàng ka Nicodem.....

3

¹ Taqne bài mangai Pharisi ,i moeq ngai yiniq haq Nicôđem ,haq aih hanoh broq craq wèq mangai Juda . ² Damang ,mangai kô trùh ti Chuaq Jesus haq doe : Rabi ,nhèn loq ìh kô mangai hnài trùh enh Boc Plình , majah qmang aih bài trong halac ìh ma khoe broq , tàng joq Boc Plình ùh oe moeq qmang , ùh i cabô broq jah . ³ Chuaq Jesus padreo bàu: “ Joq nàng ,joq qnàng , au doe ka ìh , ùh i mangai leq jah hnoq Diac Plình ,tàng joq mangai aih ùh ha-uang lauq moeq yàng hòm . ⁴ Nicôđem bòch : Mangai khoe craq ,ha-uang lauq qmang leq ma oe jah ? Haq wìa ka oe jah mùt ta cliac miq đòeq hu ha-uang lauq moeq yàng hòm ?⁵ Chuaq Jesus doe : “ Joq qnàng au doe ka ìh , ùh i mangai leq jah mùt Diac Boc Plình ,tàng joq mangai aih ùh canòm ka diac xamYiang Hadròeh đòeq ha-uang lauq.⁶ Xech akia ha-uang loh xech akia , mahaq Yiang ha-uang loh yiang .⁷ ùh dùh hamàih bàu au anoe ka ìh : Pì ep ha-uang lauq moeq yàng hòm .⁸ Cayeo enh taleq haq hlui tameh , pì tàng atêh ,mahaq pì ùh qnì cayeo trùh enh leq , haq lam taleq . Mangai leq ha-uang loh enh Yiang Hadròeh hadai qmang aih” .

⁹ Nicôđem bòch : Broq qmang leq majah qmang aih ? ¹⁰ Chuaq Jesus padreo bàu : “ Ìh qmat mangai hnài mangai Isorali , laiq ìh ma ùh qnì tàng bàu aih? ¹¹ Joq qnàng ,joq qnàng au doe ka ìh : nhèn anoe trong nhèn loq, nhèn patô trong nhèn khoe hnoq , mahaq dua pì ùh dĩ yōc bàu nhèn khoe anoe patô. ¹² Tàng joq au anoe ka pì trong oe crōng taneh kô , dua pì qnhòq lùì, loq ka au anoe ka pì yiniq ma oe ta plình , aih pì lùì qmang leq majah ?¹³ Qnhòq i cabô tồc ta plình

,enh gùng ka Mangai ma loh enh plinh , aih raq Kon mangai ma oe dèh ta plinh .¹⁴Nèh haq Môise dèch paqnàng bih tanòe hawit croh crênh qmanag leq , Kon mangai èh hadai ep wì dèch paqnàng haq qmang aih diq, ¹⁵mahaq waq toq cabô hi lùì haq ,hi jah kan rih halinh mòeq òe ¹⁶Pàng Boc plinh loq waq ka crông taneh , loh qmòe ka khoe am dèh Kon moeq cla haq , òeq cabô lùì Kon aih ùh hìaq raliang hnhung mahaq jah kan rih halinh mòeq òe.

¹⁷Aih iq , Boc Plinh khoe thê dèh Kon haq loh crông taneh kô ,ùh xài òeq hu tah kan hadrah ka crông taneh , mahaq òeq ka crông taneh kô canòm ka Kon aih hujah dèch .¹⁸Cabô hi lùì haq mangai aih pì ep pòq kan hadrah hòh , cabô ùh lùì khoe pòq qmòe kan hadrah ,majah qmang aih pàng haq ùh lùì yiniq Kon mòeq Boc Plinh. ¹⁹Kan hadrah aih rameh : Kan qngah khoe trùh crông taneh , mahaq kon mangai bêh kan clam cluiq ùh hnau ka kan qngah , majah qmangai yiniq wì haq broq diq qmèq .²⁰Mangai broq qmèq, diq git ka kan qngah ,ùh hùà thia ta kan qngah , yùq yiniq òeh khoe broq loq pì hlèp. ²¹Mahaq mangai leq rih tiaq bàu joq qnàng aih, haq trùh ti kan qngah ,dòq diq dõng yineq haq khoe broq jah paqnoh majah qmang aih haq khoe broq enh ngèa ka Boc Plinh .

Jon anoe trùh Jesus hòh.....

²² Khoe aih , Chuaq Jesus xam bài mangai tiaq hõc lam trùh ta gùng Judà ,haq oe ta aih ti wì, rai broq baptem .²³Jò aih Jon hanoh broq baptem ta Ênon ,haten ka Salim , majah qmang aih ta aih bàc diac , wì bàc ngai trùh hu jah broq baptem .²⁴Jò aih wì qnhòq rùp clêh haq.²⁵Mangai tiaq hõc Jon i tarahen ka mangai Judà trong ramènh basròeh .²⁶Wì lam anoe ka Jon rameh : Rabi ,hatau mangai ma oe ti ìh pah tau crông diac Jôđan ,mangai ìh ma khoe ràu trùh ,manòeq haq qnang broq baptem ,mangai trùh òeh hra ta haq.²⁷Jon doe : Tàng joq ùh xài enh plinh am , ùh i cabô jah cleq .²⁸Cla pì raq ma khoe wiang tàng bàu au doe :Au kô ùh xài Christ , mahaq au kô khoe jah thê lam enh ngèa haq ²⁹Cabô neo yõc mai ,aih raq cla kon òng ,bòe bua haq oe ten aih tàng bàu haq, jò wì jah tàng bàu cla kon òng wì diq jaq lem bùi, aih raq kan lem bùi da au .

³⁰Haq aih jah padèch ka haqnèq , au kô èh ep paqnoh òac ta haqneq. ³¹Mangai trùh enh qnhèq , haq aih yeo haqnèq diq dõng rìm trong, mangai loh enh taneh ,haq aih da taneh ,haq tapoch hadai tiah ka mangai loh enh taneh .Mangai loh enh plinh, haq aih ma yeo nhèq diq dõng rìm trong.³² Haq anoe trong haq ma khoe hnoq khoe tàng ,mahaq ùh i cabô dì bàu haq . ³³Mangai leq khoe rùp bàu haq , mangai aih hadai wiang panhìn ka cajap bàu Boc Plinh aih joq qnàng. ³⁴Majah qmang aih Mangai Boc Plinh ma khoe thê ,haq aih trùh anoe toq bàu Boc Plinh, majah qmang aih Boc Plinh khoe am ka haq Yiang Hadròeh oe i jaq cleq .³⁵Baq loq waq dèh Kon, khoe qnèp diq dõng rìm yiniq ta tì Kon . ³⁶Mangai leq lùì Kon , jah kan rih halinh mòeq òe , mangai ùh lùì Kon , ùh i hnoq kan rih taleq ,mahaq kan mahau nòeh da Boc Plinh oe raq enh qnhèq ka mangai aih.

Mangai gucadri Samari.....

4.../

¹ Jò Chuaq Jesus hìà bàu doe mangai Pharisi i tàng haq creo broq baptem jah bàc ngai ùh hnau ka Jon ,²(Ùh xài cla Jesus ,ma joq qnàng aih mangai tiaq hõc haq).³ Chuaq Jesus cađac gùng Judê wìh hlài ta Galili . ⁴Jò aih ,haq ep pagat trong Samari .⁵Qmang aih , Haq trùh ta mòeq plài

gùng Samari, plài aih wì creó Sikha ,haten tanòe taneh Jacôp ma am ka Jôsep aih kon haq . ⁶Ta aih i moeq toq diac adràm Jacôp ,khoe lep ka trong hangai Chuaq Jesus hangui haten ka adràm aih , jò aih khoeqne hì .

⁷Mòeq ngai gucadrì samari loh qnình diac . Chuaq Jeus doe : “ Am au ôq diac . ⁸(Bài mangai tiaq hóc khoe mùt ta plài ðòeq chaq rot dahwèq acaq)⁹ Mangai cadrì aih padreo bàu: Òih ! Ìh qmat mangai Judà , gleq ma jah bòch ôq da au diac (majah qmang aih mangai Judà ùh taqmùt ka mangai Samari)¹⁰ Chuaq Jesus doe : “ Tàng joq ìh maloq ka yiniq Boc Plình ma khoe am ,rai loq ka magai ma doe ka ìh : Am au ôq ðeh diac aih cabô , aih ìh khoe bòch haq am ka ìh ôq , aih èh haq aih hi am ka ìh diac kan rih.”¹¹Mangai gucadrì aih doe : Wì Craq ! Ìh ùh i cleq ðòeq hu qmùc, diac adràm kô aih jrùq, ìh jah diac rih aih enh leq?¹²Kan cadraq nhèn aih Jacôp khoe ðòeq hlài ka nhèn diac adràm kô , cla haq hanoh ôq adràm kô ,hloe xam bài kon xau haq, hloe xam bài kùng hang haq ban, ìh ma yeo kàn ùh hnau ka Jacôp?¹³Chuaq Jesus padreo bàu ka haq : “ Cabô ôq diac kô dua oe raq croh ranõng, ¹⁴mahaq mangai leq ôq diac au am ,mangai aih èh pì jò leq croh ranõng hòmm . Diac au ma am aih èh wìa tamòc plòh enh chac mangai aih trùh ta kan rih halình mòeq ðòe .¹⁵Mangai gucadrì aih doe : Wì Craq ,Ìh am ka au diac aih diq ,ðòq au ùh hìaq croh ranõng ,ðòq au pì hìaq ep lam qmùc diac ta kô hòmm.¹⁶ Chuaq Jesus doe ka haq: “Lam beq ! creó ka õng ìh,khoe aih wìh hlài ta kô .”¹⁷Mangai gucadrì aih doe : Au ùh i ka õng. Chuaq Jesus anoe hòmm “ Ìh doe ðeh ùh i ka õng aih joq khoe troq ,¹⁸Ìh khoe padam yàng yóc õng ,mahaq mangai yàng kô aih ùh xài õng ìh , ma aih joq ìh khoe tapoch ðeh joq qnàng.¹⁹Mangai gucadrì aih doe : Wì Craq ,au hnoq ìh kô mangai pajàu joq qnàng . ²⁰Kan kadraq nhèn khoe kùh waiq tanòe bui wang kô, yàng da mangai Judà aih doe nòe ma troq ka kùh waiq aih oe ta Jêrusalem .²¹ Chuaq Jesus doe ka mangai gucadrì : “ Drah lúi bàu au ,hi trùh jò èh , pì kùh waiq Baq, ùh xài ta bui wang kô, hanoh ùh xài ta Jerusalem.”²²Pì kùh waiq bàiyiniq pì ùh qnì , nhèn kùh waiq yiniq nhèn ma khoe loq, majah qmang aih kan ðèch loh enh mangai Judà . ²³Mahaq jò mahi trùh , manòeq kô khoe trùh, jò wì mangaima kùh waiq joq qnàng yóc manoh xam bàu joq qnàng ðòeq kùh waiq , aih raq bài mangai kùh waiq Baq ma enh .²⁴Boc Plình aih Yeang , cabô kùh waiq haq ep yóc manoh xam bàu joq qnàng ðòeq kùh waiq .²⁵ Mangai gucadrì doe : Au loq , Mangai Mêsi (aih bèn creó Christ) ep trùh ,jò haq trùh ,haq hi anoe rìm trong am ka bèn.²⁶ Chuaq Jesus doe : “Au , mangai qnang capoch ti ìh, au kô raq Mangai aih”.

²⁷ Jò aih , wì mangai tiaq hóc hlài hi trùh, wì haq haglènh jò wì hnoq Chuaq Jesus capoch tuàng ti mangai gucadrì ,mahaq ùh i mangai leq bòch : Ìh anoe ka haq qmat yiniq cleq ? ùh meh hagleq Ìh majah hatuàng ti haq?²⁸Mangai gucadrì aih hi ðòeq ðac ðeh abôq ta aih wìh mùt ta plài ,dòe ka wì ta aih :²⁹ Drah loh ngan ,i mòeq ngai khoe anoe ðõng da au rìm trong au ma khoe broq, aih ma ùh xài Christ qmòh ? ³⁰Wì hi loh enh plài trùh ti Chuaq Jesus.³¹ Mahaq ,wì mangai tiaq hóc ti àu yôt haq : Rabi ,Ìh acaq diq. ³²Haq padreo bàu : “ Au i ðeh dahwèq ðòeq hu ban raðeh mahaq pì ùh qnì .³³ Aih ìq , mangai tiaq hóc majah bòch dabau : Ahìaq i mangai leq khoe aràng ka haq dahwèq acaq ùh xài?³⁴ Chuaq Jesus doe : “ Dahwèq acaq da au aih broq tiaq manoh Mangai ma khoe thê au trùh , rai pagêh da haq yiniq broq .³⁵Ma ùh xài pì doe oe pôn khê ònh èh men trùh jò gat qmòh ? Mahaq au doe ka pì : “Haqmiang beq ! rai ngan ta ruàng

khoe dùm yrùng dồng ,oe toq hu gat raq.³⁶ Mangai gat khoe yǒc dèh kùng baha rai don ðòeq qmau ta kan rih halinh mòeq ðòe, dōq xam mangai rai adrech xam mangai gat hadai jah lem bùi ti da bau. ³⁷Kô èh wì jah doe : “ Mangai kô rai ,mangai tau gat, aih joq khoe wop.³⁸Au khoe thê pì trùh gat tanòe pì ùh i abèq , mangai qnoeq ma khoe broq, pì mùt ta aih toq yǒc haqnaug padren mangai qnoeq”

³⁹I bàc ngai Samari ta aih lùì haq, tiaq bàu mangai gucadrì ma doe : Haq qmat khoe anoe dǒng rìm trong au ma khoe broq.⁴⁰Qmang aih, bài mangai Samari ma khoe trùh ti haq, àu thê haq mùt padài dèh ta plài , Haq padài ta aih baiq hì. ⁴¹Jò khoe tàng bàu haq,mangai lùì haq rai bàc tam.⁴²Wì aih doe ka mangai gucadrì :Kô pi oe xài enh bàu ìh ma khoe anoe am ka nhèn taleq,nhèn ma lùì , manòeq kô nhèn khoe tàng qmòe enh cla haq, èh nhèn loq haq kô joq Mangai hu dèch ðìq crǒng taneh kô .

Jesus wìh hlài ta Galili.....

⁴³ Atiq ka aih baiq hì Chuaq Jesus loh enh aih lam ta Galili. ⁴⁴(aih iq cla Haq raq khoe doe mangai pajàu ùh i jò leq jah mangai gùng cla manè)⁴⁵ Jò khoe trùh ta gùng Galili , wì gùng aih ðìh haq ðìq dèh ka manoh , majah qmang aih wì gùng aih khoe hnoq rìm yiniq Haq broq ta hì ramènh jò oe ta Jêrusalem, majah qmang aih wì aih hanoh i lam hàu hì ramènh aih .⁴⁶ Haq trùh ta plài Cana ,ta gùng Galili , nòe Haq ma khoe broq ðiac hangeo wìa alac. Oe ta plài Cabênaum ,i moeq ngai cwan kàn, kon calô haq aih hinìq.⁴⁷ Cwan aih tàng doe Chuaq Jesus enh gùng Judê khoe trùh ta Galili , haq drah trùh chaq rai creo dang Chuaq Jesus loh ta hnem raðeh hu haqnaug dèh kon haq khoe ten cachit. ⁴⁸ Chuaq Jesus doe : “tàng joq pì ùh hnoq kan halac, kan hamàih , ùh jò leq pì lùì” ⁴⁹Cwan aih doe : Wì Craq ,au canòm ðeh ka ìh loh ta hnim au jò kon au qnhòq hìaq cachit !⁵⁰ Chuaq Jesus doe ka haq: “ Lam beq ,kon ìh rìh .” Mangai aih lùì bàu Chuaq Jesus khoe anoe ka raðeh, haq hì lam. ⁵¹Jò haq oe raq lam titrong , wì mangai hapǒng loh ðìh haq ,wì doe : Kon calô ìh khoe rìh .⁵² Haq bòch wì aih kon haq khoe blình jò leq .Wì aih padreo bàu :Hì nèh ,jò mòeq jò , kan tanget khoe brêh .⁵³ Mangai baq aih kanau loq aih raq jò Chuaq Jesus doe ka haq : Kon ìh rìh ,pang aih haq aih xam ðìq ka wì ta hnem hì lùì.⁵⁴ Aih kan halac yàng baiq Chauaq Jesus broq, Jò haq tawìh enh gùng Judê hlài ta Galili.

5...

Jesus oe ta Jêrusalemmangai pen ta Bêtetda..

¹ Khoe aih , i mòeq hì ramènh ta wì mangai Judà , Chuaq Jesus tǒc ta Jêrusalem .² Jò aih ta Jêrusalem ,haten ka qmang Triu ,i moeq toq hlǒng ,bàu Hêbru creo Bêtetda, dudan ta aih i padam toq qmang. ³ Bàc haraya bài mangai yiniq, mangai ùh xau hoq , mangai angwenh ,mangai pen kùì ta aih , (rap gòm jò ðiac lai laq),⁴ majah qmang aih i moeq bình plình dùnh dùnh loh lai laq ðiac ta hlǒng aih , jò ðiac khoe lai laq , mangai leq loh ta hlǒng adroe ,yac ka haq yiniq qmang leq dua brêh). ⁵Ta aih i moeq ngai ùh hrǒc khoe piq jàt rahem hanam .⁶ Chuaq Jesus hnoq haq aih caqnùng , loq ka haq aih yiniq khoe dùnh , Haq doe : “Ìh i enh brêh ùh?⁷Mangai yiniq aih padreo bàu :Wì Craq! au ùh i ðeh ka mangai hu wiang caqnìh qnoh au ta ðiac.Jò au qnang ti àu loh ðeh, i mangai qnoeq khoe loh adroe ka au .⁸ Chuaq Jesus doe : “Drah yòng , dèch da ìh hadòng qmat lam beq.” ⁹ Wop hloe jò aih raq, mangai aih jah brêh . Hì aih hanoh wop hì Sabat.¹⁰ Bài ma broq gàu mangai Judà tapoch ka mangai ma khoe jah brêh : Kô

xài hi Sabat ,tiaq troq ranenh ìh ùh khòh xùi hadòng lam qmang qmat¹¹Haq padreo bàu ka wì :Cla mangai ma broq ka au brêh thê : Dèch da ìh hadòng qmat lam beq.¹²Wì bòch haq :Mangai ma thê dèch da ìh hadòng qmat lam beq , haq aih iq cabô ? ¹³Mahaq mangai khoe jah broq brêh aih haq pì qnì qmòe ka cabô , majah qmang aih Chuaq Jesus khoe alùh pajùm ti bài mangai cràm jang aih raq.¹⁴Atiq ka aih , Chuaq Jesus hnoq haq aih tanòe hnim kùh waiq hi doe ka haq : “ Meh oq ,ìh khoe brêh pì dùh broq yiniq lui hòm, beq loq i yiniq cleq mèq trùh ti ìh .”¹⁵Haq aih lam anoe ka mangai Juda :Hatau raq Chuaq Jesus mangai khoe broq rađeh jah brêh.¹⁶Aih iq ,dài mangai Juda majah tirùp baxa Chuaq Jesus , majah qmang aih haq broq yiniq kô hi Sabat .¹⁷Mahaq Chuaq Jesus doe ka wì aih : “ Baq au abroq trùh manòeq kô , au kô hadai broq qmang aih diq.¹⁸Ajang aih raq mangai Juda majah chaq trong hu jêh đac hloe haq, ùh xài aq toq poh hi Sabat hi hêq , yàng haq oe doe Boc Plinh aih Baq rađeh rai broq ka rađeh daq dàng ka Boc Plinh.¹⁹Chuaq Jesus hi anoe ka wì haq : “Jeq qnàng , joq qnàng ,au anoe ka pì , Kon ùh broq đeh cleq jah, Kon broq toq yiniq cleq kon hnoq dèh Baq broq ,Kon hadai broq tiaq qmang aih .²⁰Baq loq waq ka kon rai mahno diq dōng rìm yiniq Baq broq: Baq oe mahno tam ka Kon yiniq kàn ùh hnau ka bài yiniq broq kô hòm , dōq pì hu hamàih. ²¹Hanoh, qmang ka Baq broq mangai cachit rih hlài rai am kan rih ka wì aih qmang leq , Kon kô èh hadai am kan rih ka mangai kon ma enh qmang aih diq.²²Baq hadai ùh hadrah ka cabô , mahaq khoe dōq diq ka Kon cwiang hadrah,²³ đòeq diq dōng rìm ngai jah dèch kan ranhòm ka Kon ,tiàh ka wì ma padèch kan ranhòm ka Baq . Mangai leq ùh dèch kan ranhòm ka Kon , aih haq ùh dèch kan ranhòm ka Baq, aih Mangai ma khoe thê Kon trùh.

²⁴ Joq qnàng ,joq qnàng, au doe ka pì, mangai leq tàng bàu au, èh lùì Mangai ma khoe thê au, mangai aih jah kan rih mòeq đòe, ùh hiaq ep trùh tanòe hadrah , mahaq khoe claih enh kan cachit đòeq trùh ta kan rih.²⁵ Joq qnàng ,joq qnàng, au anoe ka pì ,tangèa kô èh ,manòe kô hanoh khoe troq jò , jò bài mangai cachit hujah tàng bàu Kon Boc Plinh, mangai jah tàng aih èh hi jah rih . ²⁶Tiàh troeq Baq i kan rih enh dalam , Baq hadai khoe am ka Kon i kan rih enh dalam qmang aih .²⁷Baq khoe am diq dōng cwiang đòeq hu hadrah ta tì Kon, majah qmang aih Kon kô Mangai .²⁸Ùh dùh hamàih dèh trong aih , kô èh jò wì ma oe ta ralùng tàng bàu haq,wì jah loh enh aih, ²⁹mangai leq broq trong lem aih èh rih hlài đòeq hu jah kan rih , mangai leq khoe broq dù , aih èh rih hlài đòeq hu jah kan hadrah . ³⁰Cla Au ùh broq cleq ma hlàt ,au hadrah tiaq au trong tàng , qmang aih kan hadrah au aih taq toq, majah qmang aih au ùh chaq trong manoh cla ma enh , mahaq chaq trong Mangai ma khoe thê au .³¹Tàng joq au capoch panhìn ka cla rađeh ,bàu panhìn aih ùh wìa ka pì lùì dèh .³² I mangai qnoeq capoch panhìn am ka au , èh au loq bàu haq aih anoe khòh lùì .³³ Pì khoe thê mangai trùh ti Jon , haq khoe anoe panhìn ka pì trùh bàu joq qnàng . ³⁴Da Au hòm , bàu panhìn au jah ùh xài trùh enh kon mangai , mahaq au anoe qmang aih ,dōq pì jah dèch .³⁵Jon aih ,tiàh ka hadreo khoe bũh khoe qngah , kan qngah đò aih lem manoh pì ,pì hyòq ajang nòe qngah haq aih.³⁶Mahaq i mòeq bàu capoch panhìn trùh au ,bàu aih yeo haqnhèq ùh hnau ka bàu Jon , majah qmang aih trong leq Baq khoe thê, au broq gêh , bài yiniq au broq aih patô am ka pì loq Baq khoe thê au .³⁷Cla Baq, aih Mangai ma khoe thê au ,hanoh wiang panhìn am ka au. Pì qnhòq hmaq tàng bàu Haq ,qnhòq lah hnoq hadrò Haq , ³⁸èh bàu Haq ùh oe enh dalam ka pì ,majah qmang aih pì ùh lùì Mangai Haq ma khoe thê trùh. ³⁹Pì

chèh chaq ta hset Hadròeh ,pì hèm dèh canau ajang aih majah kan rih halinh mòeq òe : Aih Hset hadròeh mahno trùh au . ⁴⁰Pì ùh enh trùh ti au òe hu jah kan rih !

⁴¹Au ùh chaq kan ranhòm loh enh kon mangai, ⁴²mahaq au loq enh dalam pì ùh i ka kan loq waq ka Boc Plinh .⁴³Au khoe trùh tacò enh dalam ka yiniq Baq au , pì ùh waq ka au .Tàng joq i mangai qnoeq yòc dèh yiniq cla haq hu trùh ti pì , aih èh pì ma òe yòc haq.⁴⁴Pì toq enh canòm kan ranhòm dabau , ùh chaq kan ranhòm trùh enh Boc Plinh , qmang aih thê pì lùl qmang leq majah.⁴⁵Apaq hèm au yòng enh ngèa Baq òe patô da pì yiniq lui , mangai ma yòng patô da pì yiniq lui aih Môise , mangai pì ma tangèh canòm. ⁴⁶Aih iq, tàng joq pì lùl bàu Môise ,pì hadai lùl bàu au , majah qmang aih bàu haq ma khoe achìh aih, haq achìh trùh au.⁴⁷ Mahaq tàng joq pì ùh lùl bàu haq , pì lùl bàu au qmang leq?

6....

Jesus qmì padam muàn mangai acaq

¹ Atiq ka aih toq biao, Chuaq Jesus tòc apah tau diac raxìq Galili, (nòe kô aih haqmai gùngTêbiriat ,² Mòeq calùh mangai bàc haraya tiaq haq ,majah qmang aih wì aih hmaq hnoq bàc trong halac haq broq brêh ka bàl mangai yiniq. ³Mahaq ,Chuaq Jesus tòc ta wang ,hangui ta aih ti bàl mangai tiaq hóc . ⁴Hì ramènh Pancwa da mangai Judà khoe ten trùh. ⁵Jò Chuaq Jesus haqmiang ngan hnoq wì aih qnang thia ta haq ,haq òe ka Philip “ Bèn chaq rot bènha taleq òe hu am ka wì acaq? ”.⁶Haq bòch qmang aih hu nhro ngan Philip , majah qmang aih ta manoh haq khoe loq òe padon broq cleq . ⁷ Philip padreo bàu : Yòc baiq hrinh òe-ni-ê , rot bènha dua ùh rìm mòeq ngai toq biao. ⁸ I mòeq ngai tiaq hóc yiniq haq Anrê ,oh Simôn òe : ⁹ Hácò i mòeq ngai kon calò qyoh , i padam toq bènha mì xam baiq pliang ka qyêq, mahaq mangai bàc qmang qmat i jàp pang leq ? ¹⁰ Chuaq Jesus òe “ Thê wì hangui .” tanòe aih bàc nhat , wì hi hangui .jah qnah ta padam muàn mangai.¹¹ Chuaq Jesus yòc bènha manè apôi Boc plinh , khoe aih axong am ka bàl mangai hangui , haq hadai yòc baiq pliang ka axong am ka wì , mac ka cabò enh toq leq toq meh . ¹² Jò òe ka wì khoe panàc , haq thê mangai tiaq hóc “ ti toch hlài bòe rah, apaq cađac yac ka toq xit .”¹³ Mangai tiaq hóc toch hlài haqnech rah padam toq bènha atiq ka wì khoe panàc jah mòeq jàt baiq rajo .¹⁴Wì ta aih ,hnoq kan halac Chuaq Jesus broq , wì òe ka dabau : Kô raq Pajàu ! mangai mahu loh ta cròng taneh .¹⁵ Chuaq Jesus loq ka wì enh trùh òe pa-àu rađeh broq bùa , Haq wia enh aih, tòc òe òe mòeq ngai ta wang

Jesus lam ti riang diac

¹⁶ Jò mat mahi khoe ten clìh , mangai tiaq hóc loh ta haqmai diac .¹⁷Wì loh ta boang pajang tòc pah tau ,ngèa qnah ta plài Cabêna-um .Tròc khoe clam mahaq Chuaq Jesus qnhòq trùh ti wì haq . ¹⁸Cayeo hlui tagruàng tagrèt ,diac lai laq òe pì cajaq . ¹⁹Jò aih wì chùng boang khoe jah qnah ta baiq jàt padam ùh piq jàt êta-òe , hnoq Chuaq Jesus lam tiriang diac, ten trùh ti boang , wì loh ka crè crep .²⁰ Mahaq Chuaq Jesus òe “ Kô raq Au , apaq yùq .”²¹Jò aih mangai tiaq hóc hi òe Chuaq Jesus tòc boang ti wì, draq drình hloe jò aih boang khoe trùh tago wì ma padon lam .

Bènha kan rih

²² Hì atiq , bàl mangai bàc òe tago patau hlòng hnoq mòeq toq boang ta aih raq, loq Chuaq Jesus ùh i tòc taboang ti bàl mangai tiaq hóc , toq mangai tiaq hóc lam ka rađeh . ²³ Khoe aih i biao toq boang enh Têbi-ri-at trùh tanòe bàl wì ma acaq bènha atiq ka Chuaq Jesus ma manè

apôl Boc plînh.²⁴ wî hnoq Chuaq Jesus ùh i oe ta aih, mangai tiaq hõc hadai ùh hnoq , wî drah loh taboang hu lam ta Cabêna-um ðòeq chaq Chuaq Jesus.²⁵ Jò wî bu hnoq Chuaq Jesus tago apah tau diac , wî bòch Haq : Rabi ! Ìh trùh tacô jò leq ?²⁶ Chuaq Jesus doe “Joq qnàng Au doe ka pì , pì ti chaq au ùh xài taiq pì khoe hnoq trong halac au khoe broq , mahaq taiq pì khoe jah acaq bênh ka panàc .²⁷ Apa q abroq hu chaq toq dahwèq acaq hi ðiq hi hnhung , mahaq chaq dahwèq ma oe hloe mòeq ðòe.²⁸ Khoe aih wî bòch Haq : Nhèn ep broq qmang leq men jah broq yiniq Boc plînh ma thê ?²⁹ Chuaq Jesus doe “ Yiniq broq da Boc plînh thê , aih pì lùl Mangai Boc plînh ma khoe thê haq trùh .”³⁰ Wî bòch haq “ Tàng joq qmang aih, ìh broq trong halac leq ðòq nhèn hnoq ðòeq nhèn hu lùl ? kô èh ìh broqcleq ?³¹ Boc yaq nhèn nèh khoe acaq mana oe ta gùng hawit , tiaq ka bàu khoe achìh : Haq am ka wî acaq bênh enh plînh. ³² Chuaq Jesus padreo bàu “ Joq qnàng ,joq qnàng au doe ka pì : Môise qnhòq lah am ka pì bênh enh plînh , mahaq Baq au ma am ka pì bênh joq qnàng, aih bênh loh enh plînh .³³ Majah qmang aih, bênh da Boc plînh aih bênh loh enh plînh , am kan rìh ka crõng taneh . ³⁴ Wî doe : Waiq Chuaq , Ìh am ka nhèn bênh aih yôt oq!. ³⁵ Chuaq Jesus doe ka wî “ Au kô raq bênh kan rìh , mangai leq trùh ti au haq aih pì hìaq pangot hòm ,mangai leq lùl au , haq aih pì hìaq croh ranõng hòm .³⁶ Mahaq au khoe anoe : Pì khoe hnoq au ,mahaq pì ùh lùl .³⁷ ðiq ðõng mangai leq Baq khoe am ka au aih èh wî trùh ti au, mangai leq trùh ti au , ùh jò leq au khwênh qnoh ðac enh gùng.³⁸ Majah qmang aih au khoe loh enh plînh ùh xài ðòeq broq tiaq deh manoh ,mahaq broq tiaq manoh Mangai ma khoe thê au .³⁹ Kô manoh Mangai ma khoe thê au : mangai leq Haq khoe am ka au , aih au apaq caðac hnhung , mahaq au ep broq haq rìh hlài ta hì pulùch èh.⁴⁰ Kô manoh Baq au : Mangai leq ngan Kon rai lùl kon aih mangai aih jah kan rìh halinh mòeq ðòe , hì atiq lùch au broq haq aih rìh hlài.”⁴¹ Jò aih, mangai Juða mumùc ka haq , majah qmang aih haq i doe : Au kô raq bênh loh enh Plînh .”⁴² Wî aih doe : Kô ma ùh joq Jesus kon da Jôsep , bèn ma ùh qnì ka miq baq haq qmòh? Aih hagleq haq ma wìa ka doe : Au khoe loh enh plînh ?⁴³ Chuaq Jesus doe “ Pì apaq mumùc ti dabau .⁴⁴ Tàng joq Baq , aih Mangai ma khoe thê au , ùh aràng ka au , ùh i cabô jah trùh ti au , hì atiq èh au jah broq ka mangai aih rìh hlài.⁴⁵ Hset pajàu i achìh rameh : kô èh rìm ngai ðiq jah tàng Boc Plînh hnài. Mangai leq hì jah tàng bàu Baq rai hõc tiaq dua haq , mangai aih èh trùh ti au . ⁴⁶ Ùh i mangai leq hmaq hnoq Baq, enh gùng ka mòeq ngai loh enh Baq , toq haq aih ma khoe hnoq Baq. ⁴⁷ Joq qnàng au doe ka pì : waq toq mangai leq hi lùl, mangai aih hi jah kan rìh halinh mòeq ðòe.⁴⁸ Au kô bênh kan rìh . ⁴⁹ Boc yaq pì acaq mana tanòe gùng hawit , èh dua khoe cachit. ⁵⁰ Mahaq hacô bênh ma loh enh plînh , waq toq cabô hi acaq bênh kô mangai aih ùh cachit. ⁵¹ Au kô bênh kan rìh loh enh plînh .Mangai leq hi acaq bênh kô hi jah kan rìh halinh mòeq ðòe. Bênh am ðiq ka mangai ðòeq wî hu jah kan rìh aih xech cla au kô raq.”⁵² Aih ìq dài bai mangai Juða majah tarahen : Wìa ka mangai kô yõc deh xech hu am ka bèn acaq qmòh? ⁵³ Chuaq Jesus doe ka wî haq “ Joq qnàng ,joq qnàng, au doe ka pì , tàng joq pì ùh acaq xech Kon Mangai , ùh ôq mahim haq , aih èh ta pì ùh i kan rìh ⁵⁴ Mangai leq acaq xech , ôq mahim au , aih èh jah kan rìh halinh mòeq ðòe , tahì pulùch au broq haq aih jah rìh hlài.⁵⁵ Majah qmang aih xech au kô dahwèq acaq joq qnàng , mahim au kô dahwèq ôq joq qnàng .⁵⁶ Mangai leq acaq xech au ôq mahim au, mangai aih oe enh dalam ka au , au hadai oe enh dalam ka haq aih .⁵⁷ Tiah ka Baq rìh halinh , khoe thê au trùh , au hadai rìh xi Haq, hanoh qmang aih , mangai

leq acaq xech au ,hadai rih xi au diq. ⁵⁸Kô bênh loh enh plinh .Bênh aih ùh xài qmang ka bênh mana kan cadraq pì ma khoe acaq , èh dua cachit , mangai leq acaq bênh kô aih èh jah kan rih halinh mòeq òe.

⁵⁹ Chuaq Jesus anoe bàu aih , jò haq hnài nòe hnim tagop qyoh ta Cabêna-um . ⁶⁰ Tàng bàu aih , bàc ngai tiaq hóc doe : Bàu kô joq xa ka tàng , Cabô ma hlât tamàng ?.⁶¹ Loq ka bai mangai tiaq hóc mumúc ka bàu kô ,Chuaq Jesus doe ka wì haq “ Bàu kô broq ka manoh pì catoeh qmòh? ”.⁶²Tàng joq pì hnoq Kon Mangai jah dèch atóc tanòe haq ma oe dèh enh nèh , aih èh qmang leq ? ⁶³Aih ìq, yiang ma broq ka rih , chac mac ùh i loh cleq. Diq dõng bàu au ma anoe ka pì aih òiq yiang xam kan rih .⁶⁴ Mahaq taqne pì i mangai ùh lùì. Majah qmang aih enh jò baxèm raq , Chuaq Jesus khoe loq ka mangai ma ùh lùì , mangai leq ma blòq cađac haq.⁶⁵Haq anoe hòm “ Aih ìq raq, au majah doe ka pì tàng joq Baq au ùh am ,ùh i mangai leq jah trùh ti au .”

⁶⁶Pang aih , bàc ngai tiaq hóc talùì pì tiaq haq hòm . ⁶⁷ Chuaq Jesus bòch wì mòeq jàt baiq ngai “ Aleq , pì ahiaq enh ta lùì diq?”⁶⁸ Simôn Phiero doe : Chuaq ! Nhèn tiaq ðeh cabô ? Ìh i bàu kan rih halinh mòeq òe.⁶⁹ nhèn khoe lùì , nhèn khoe loq Ìh raq Kon mòeq Hadròeh da Boc plinh . ⁷⁰ Chuaq Jesus doe “ Ajoq Au khoe ràih pì mòeq jàt baiq ngai ? mahaq moeq ngai aih kiác dù .” ⁷¹Bàu aih , Haq anoe trùh Judá ,kon da Simôn I-cari-ot ,majah qmang aih taqne wì mòeq jàt baiq ngai ,haq aih mangai atiq kô èh ma blòq Jesus.

Jesus tahì ramènh hla.....

7..

¹Atiq ka aih , Chuaq Jesus lam dudan gùng Galili . Haq ùh enh lam tagùng Judê , majah qmang aih mangai Judá toq chaq trong hu jêh đac haq.² Mahaq hì Ramènh hla da mangai Judá khoe ten trùh, ³ Wì oh Chuaq Jesus doe ka haq : Drah loh enh kô hu lam tagùng Judá beq , òeđeq mangai tiaq hóc jah hnoq yiniq ìh broq. ⁴ Jò enh ka mangai qnoeq loq ka rađeh ,ùh i cabô cadoc deh yiniq broq ta nòe hlèp. Patep pang hì ìh ma broq bài biác aih , drah lam paqnoh rađeh am ka phù cròng beq.⁵ Majah qmang aih wì oh haq hadai ùh lùì haq. ⁶ Aih ìq Chuaq Jesus majah doe ka wì haq “jò da au qnhòq troq , da pì jò leq ma ùh troq .”⁷ Wì phù cròng ùh i tagit ka pì , mahaq git ka au , majah qmang aih au anoe patô qnoh trong da wì haq broq aih trong dù . ⁸Pì tọc hàu ramènh aih beq , au qnhòq tọc ta ramènh aih majah qmang aih qnhòq troq jò da au.⁹Atiq ka anoe bàu aih , haq dua oe raq ta Galili.¹⁰ Hnoq anoe qmang aih, khoe ka wì oh haq lam hàu ramènh , haq hanoh lam , haq lam lai q ka hlèp ,ùh dõq cabô loq.¹¹ Oe tanòe ramènh ,bòe gucraq Judá ti rinh chaq Chuaq Jesus ,wì bòch dabau : Taleq haq?¹²Tanòe mangai bàc i bàu wì ta anoe ka dabau .Qnah ngai doe : Haq aih mangai lem , qnah ngai doe : Òh ! haq aih mangai toq ti qnút wì phù cròng . ¹³ Mahaq ùh i cabô hùà anoe hloh trùh Chuaq Jesus ,majah qmang aih wì crè ka bài gucraq Judá

Jesus hnài jò Ramènh.....

¹⁴ Qne ramènh , Chuaq Jesus tọc hnài ta hnim kùh waiq .¹⁵ Mangai Judá ta aih òiq jaq hamàih wì bòch dabau: Mangai kô qnhòq lah hóc, gleq haq majah rabiaq ka hset Hadròeh qmang meh ?.¹⁶ Chuaq Jesus doe “Bàu au hnài ùh xài loh eh cla au, mahaq loh enh Mangai ma khoe thê au. ¹⁷ Mangai leq broq tiaq manoh Boc Plinh, aih èh hi canau bàu au ma hnài loh enh Boc Plinh loq loh enh cla au .¹⁸ Mangai leq capoch tiaq deh manoh , aih haq chaq kan ranhòm toq ka dađeh ,

mahaq mangai leq broq ka Mangai ma the dađeh jah ranhòm , aih mangai ma joq qnàng ,tanòe haq ùh i yiniq cleq jùh jùn.¹⁹ Ma ùh joq Môise khoe am ka pì ranenh ? i cabô leq taqne pì broq tiaq ranenh ! Hagleq pì chaq trong hu jêh cađac au ?.²⁰ Bải wì doe : Ìh qmat kiac khoe pawè , cabô ma chaq jêh đac ìh?²¹ Chuaq Jesus padreo bàu “Au khoe broq mòeq yiniq , pì mangai leq mangai meh hamàih đeh hra .²²Môise the pì wèq ranenh kat akia (ranenh aih ùh i loh enh Môise ,mahaq loh enh wì kan cadraq) pì broq ranenh aih ka mangai gucalô ta hì Sabat !²³ Tàng joq mangai gucalô kat akia ta hì Sabat waq ka hatroq tiaq ranenh Môise , aih hagleq pì majah nòeh ka au jò au broq ka chac mangai yiniq jah brêh ta hì Sabat? ²⁴Apaq ngan toq enh gùng ðòeq hu hadrah mangai qnoeq , mahaq ep hadrah tiaq trong ma taq toq .

Mangai Judă enh rùp Jesus

²⁵ I qnah ngai oe ta Jérusalem doe : Meh raq ùh xài mangai wì ma chaq jêh cađac ?²⁶ Ngan meh haq ma i capoch rai amot , atàng i cabô tapoch mòeq nà bàu cleq ka haq. Ahiaq bải cwan khoe doe haq meh raq Christ joq qnàng ?²⁷ Mahaq mangai meh trùh enh leq bèn loq, Yàng jò Christ hì trùh , i cabô maloq haq trùh enh leq ²⁸ Jò aih Chuaq Jesus oe raq hnài tanòe hamlang hnim kùh waiq , Haq capoch qmòe cadêh “Pì canau ka au ,loq ka au trùh enh leq, ùh xài au trùh đeh ajang kô ,mahaq Mangai ma khoe the au aih joq qnàng . Pì ùh qnì ka haq ,²⁹ mahaq au loq ka haq, majah qmang aih au loh enh haq ,haq khoe the au”.

³⁰Aih ìq raq , wì majah ti àu chaq trong rùp Chuaq Jesus, mahaq ùh i mòeq ngai leq hùh poh ta chac Jesus ,majah qmang aih jò da haq qnhòq trùh .³¹ mahaq i bacc ngai lùh haq .Wì doe : Jò Christ trùh , haq i broq bacc trong halac ùh hnau ka mangai kô ùh?³² Mangai Pharisi tàng bacc ngai ta aih ta hatuàng trùh Chuaq Jesus ti dabau . Aih , wì haq hì mòeq manoh ka bải pajàu kàn wiang the bải linh wèq hnim kùh waiq lam rùp haq.³³ Chuaq Jesus doe “Au oe ti pì toq biaoq hòm ,khoe aih au hì hlài deh ta Mangai ma khoe the au.³⁴ Pì hì ti chaq au , mahaq ùh hnoq au ,èh hòm tanòe au ma oe , ta aih pì trùh ùh jah” .

³⁵ Mangai Judă doe ka dabau : Mangai kô enh lam taleq haq ma doe bèn chaq ùh hnoq haq? Ahiaq haq lam trùh ti bải mangai bèn ma haprah priang taqne mangai Gorec,ðòeq hu hnài mangai Gorec qmòh?³⁶ Haq khoe doe : Pì ti chaq au ,mahaq ùh glàm au , èh hòm tanòe au oe pì enh trùh ta aih ùh jah ,bàu aih qmang leq?.

³⁷Hì atiq pulùch , aih hì ma yeo nhet diq đống ta hì ramènh , Chuaq Jesus yòng rai tapoch bàu đêh “ Mangai leq croh ranõng ,drah trùh ti au hu ôq . ³⁸Mangai leq lùh au , qmang ka bàu Hset Hadròeh khoe anoe : cròng diac kan rih plòh loh qmòe enh dalam ka wì haq”.³⁹Bàu aih, Haq anoe trùh Yiang Hadròeh mangai leq ma lùh haq atiq kô èh hì jah , jò aih qnhòq ùc qnoh Yiang Hadròeh , majah qmang aih Chuaq Jesus qnhòq jah ranhòm.⁴⁰ Ta aih bacc ngai tàng ,wì doe : Mangai kô pajàu joq qnàng . Mangai qnoeq doe : Qmat raq Christ .⁴¹Mangai qmòeq hòm doe :Wia ka Christ ma loh enh gùng Galili?⁴² Ma ùh joq hset Hadròeh doe :Christ ep loh enh nang noe Dawit, enh plài Bêtlehem aih plài da bùa qmòh?⁴³ Taiq ajang nòe Chuaq Jesus , wì haq majah talah đac dabau .⁴⁴ Qnah ngai enh rùp haq ,mahaq ùh i cabô hùh hnho deh mòeq apah ti ta chac haq.

⁴⁵ Qmang aih ,bải linh tawih hlài nòe bải pajàu kàn xam bải mangai Pharisi . Wì aih bòch : Hagleq pì ma ùh ahlài mangai aih tacô? ⁴⁶Bải linh padreo bàu : Qnhòq lah i cabô capoch tìah ka

mangai kô . ⁴⁷Mangai Pharisi goh bàu bài aih: Ahiaq haq aih khoe padô hloe xam pì qmòh?⁴⁸ I ka cwan leq , mangai Pharisi leq lùì haq aih ùh? ⁴⁹ Òh ! mahaq bài mangai bình qmòe ka calùh chàm joq ùh lòm loq qmòe ka ranenh cleq, joq jàng toq ra òh hamaiq !⁵⁰ Nicôđem (mangai adroe ka aih i trùh ti Chuaq Jesus , haq hanoh oe mòeq bua ti bài aih) doe :⁵¹Ranenh da bèn ma rùp mangai leq bèn qnhòq bòch , qnhòq qnì ka yiniq haq aih broq qmòh ?⁵² Wì doe ka haq : Ìh kô ma hadai mangai Galili qmòh ? ìh ngan beq ! ìh hi hnoq ùh lah i mangai pajàu leq ma loh enh gùng Galili.

⁵³Khoe aih ,dìq ka wì hi hlài deh hra ta hnim.

Mangai gucadri tango

8..

¹Mahaq Chuaq Jesus tõe ta bui wang Oliu,²Bu qngah , haq wìh hlài ta hnim kùh waiq, dìq dõng ka mangai ta aih trùh tapdan ka haq . Haq hangui hu hnài wì.³ Jò aih bài mangai hnài ranenh xam bài mangai Pharisi aràng trùh ka haq mòeq ngai cadri wì jah rùp jò haq qnang tango. Wì thê haq yòng taqne mangai bàc ta aih . ⁴ Wì bòch Chuaq Jeus : Mangai hnài , mangai gucadri kô nhèn rùp jò haq qnang tango , ⁵ ta ranenh da Môise thê bèn hachùq đac xam hmo mangai qmang kô , ha da ìh doe qmang leq ? ⁶ Wì bòch qmang aih ðòeq hu bahlac haq , ðòeq chaq nen hu tah hadrah ka haq .Mahaq Chuaq Jesus kùp ta haqneq ,yõe hadrang ti achìh ta taneh . ⁷ Jò wì xan bòch yôt , haq padinh yòng rai doe ka wì “ Dòq ka mangai leq taqne pì qmat tàng dađeh ùh hiaq i yiniq lui cleq , mangai aih yõe hmo hachùq adroe beq”⁸Haq hi kùp achìh hòm ta taneh.

⁹ Jò wì tàng qmang aih , wì hi lam , mangai craq lam adroe, trùh jò oe mòeq ngai Chuaq Jesus ta aih ,xam mangai gucadri oe raq yòng .¹⁰ Chuaq Jesus yòng bòch haq “ Mangai gucadri meh, wì taleq hòm? Òh i ca bô taqmòq ka ìh yiniq lui cleq qmòh?¹¹ Haq padreo bàu : Waiq Chuaq ,ùh i ka cabô . Chuaq Jesus doe “ Au hadai ùh taqmòq ka ìh yiniq lui, lam beq pì dùh broq yiniq hòm”.

Jesus anoe rađeh enh ngèa mangai Juda....

¹² Chuaq Jesus doe hòm ka wì “ Au kô raq kan qngah ka crõng taneh kô , mangai leq tiaq au , haq aih ùh hiaq lam ta kan clam ,mahaq i kan qngah da kan rih.¹³Mangai Pharisi rahen : Ìh yòng jang kô anoe cla rađeh , bàu aih ùh wìa ka lùì .¹⁴ Chuaq Jesus doe “ Yac ka cla au anoe rađeh , bàu aih dua khòh lùì, majah qmang aih au loq đeh khoe trùh enh leq , loq đeh padon lam taleq. Mahaq pì ùh qnì ka au trùh enh leq ,ùh qnì au lam taleq.¹⁵ Pì tah hadarh tiaq ranenh da kon mangai , au ùh tah hadrah ka cabô .¹⁶ Mahaq tàng joq au hadrah ka cabô , au hadrah troq joq qnàng, majah qmang aih au ùh i yòng đeh mòeq ngai , au yòng deh ti Baq ma khoe thê au.¹⁷ Tanòe ranenh pì khoe achìh : bàu baiq ngai wiang anoe patô ,bàu aih joq qnàng.¹⁸ Au panhìn ka rađeh , Baq ma khoe thê au trùh ,hadai wiang anoe panhìn ti au”.¹⁹ Wì bòch haq : Aleq baq ìh ? Chuaq Jesus doe “ Pì ùh canau ka au , ùh qnì ka Baq au ,tàng joq pì khoe canau ka au , aih pì hadai khoe loq ka Baq au ” ²⁰ Chuaq Jesus tapoch bàu kô jò yòng hnài tanòe hamlang hnim kùh waiq, haten ka nòe hnim don ðòeq kùng hang ma dèch am ka hnim kùh waiq, ùh i mangai leq rùp haq majah qmang aih haq qnhòq trùh dèh jò.

²¹ Chuaq Jesus noe tam ka wì haq “ Au kô èh lam, pì ti chaq au , pì qmat èh cachit dèh ta yiniq lui . Nòe Au lam pì ùh jah trùh”.²² Mangai Judà anoe : Haq doe nòe au lam pì ùh jah trùh , qmang aih haq lam cachit qmòh?²³ Mahaq Chuaq Jesus tapoch hòm “ Pì qmat loh enh qneq ,au loh enh qnhèq . Pì qmat da crông taneh kô , au ùh xài da crông taneh kô . ²⁴ Au khoe doe pì cachit dèh ta yiniq lui cla , tàng joq pì dua ùh lùì au kô raq, joq qnàng pì cachit dèh ta yiniq lui cla”.²⁵ wì bòch : Ìh qmat ìq cabô? Chuaq Jesus padreo bàu “Qmang ka bàu au khoe doe ka pì enh baxèm raq,²⁶ Au i bàc trong anoe, bàc trong hu hadrah pì , mahaq Mangai khoe thê au trùh aih ma joq qnàng, au tàng cleq enh Haq ,aih au hi anoe hlài ka crông taneh kô.²⁷ Wì ùh qnì tàng aih haq anoe trùh dèh Baq .²⁸ Aih ìq Chuaq Jesus majah doe “Jò pì hi atua Kon Mangai , aih èh pì men loq au kô cabô , loq yac ka moeq yiniq cleq dua au ùh broq ðeh , mahaq au anoe toq trong Baq khoe hnài au.²⁹ Mangai khoe thê au trùh dua oe yôt ti au , qnhòq lah dōq au oe ðeh mōeq ngai, majah qmang aih yac ka jò leq dua au broq lem manoh Haq”³⁰ Chuaq Jesus anoe qmang aih i bàc ngai lùì bàu haq.

³¹ Chuaq Jesus doe ka mangai Judà ma khoe lùì haq “ Tàng joq pì wèq bàu au hnài , aih pì joq mangai tiaq hōc au,³² pì jah loq bàu joq qnàng , bàu joq qnàng jah lèh caqnaih pì”.³³ Mangai Judà doe : Nhèn kô nang noe Apraham, qnhòq lah broq ðic hapōng cabô , gleq ìh ma doe : jah lèh caqnaih nhèn ?³⁴ Chuaq Jesus doe ka wì “ Joq qnàng , joq qnàng au doe ka pì, mangai leq broq yiniq lui aih broq ðic yiniq lui.³⁵ hapōng ðic majah oe hloe ta hnim , mahaq toq Kon raq majah oe hloe ta aih .³⁶ Qmang aih tàng joq Kon lèh caqnaih pì ,aih pì joq khoe jah paclaih joq qnàng . ³⁷Au loq pì nang noe Apraham , mahaq pì toq chaq trong jêh cađac au, majah qmang aih bàu au ùh i nòe ta manoh cliac pì.³⁸ Au anoe yiniq au hnoq enh ngèa Baq au , pì broq trong pì top dua baq pì.”³⁹Wì doe : Apraham aih baq da nhèn, Chuaq Jesus doe “ Tàng joq pì kon Apraham , aih pì broq tiaq Apraham .⁴⁰ Mahaq manōeq kô pì chaq trong jêh đac au, mangai ma khoe yōc bàu joq qnàng enh Boc Plinh ðōeq anoe ka pì . Apraham ùh i broq qmang aih!⁴¹ Pì qmat broq yiniq baq pì broq . Wì aih padreo bàu: Nhèn ùh xài kon tango , nhèn i mōeq ngai baq raq, aih Boc Plinh .⁴² Chuaq Jesus doe “ tàng joq Boc Plinh aih baq pì , pì loq waq ka au , majah qmang aih au loh enh Boc Plinh , au trùh enh Haq , au ma i trùh ðeh tacô , Haq aih ma khoe thê au.⁴³ Hagleq pì ma ùh qnì tàng bàu au ? Aih ìq taiq pì ùh qnì trong da au . ⁴⁴ Pì loh enh kan kiac aih kan cadraq da pì , pì enh broq gēh trong baq pì enh .Enh baxèm raq haq aih mangai jêh đac mangai , ùh cajap manoh wèq bàu joq qnàng ,majah qmang aih ùh i ka bàu joq qnàng enh dalam ka haq. Jò haq amòng , haq capoch tiaq ðeh khoe hmòt , majah qmang aih haq mangai loq amòng broq baq mangai loq amòng .⁴⁵ Mahaq pàng au anoe bàu joq qnàng , dài pì majah ùh lùì au.” ⁴⁶ Taqne pì qmat i cabô patô jah yiniq lui da au ùh? Tàng au anoe bàu joq qnàng gleq pì ma ùh lùì au ?⁴⁷ Mangai da Boc Plinh aih tàng bàu Boc Plinh .Pì majah ùh tàng bàu Boc Plinh , pàng pì ùh xài mangai da Boc Plinh.”

⁴⁸ Mangai Judà doe : Nhèn doe ìh qmat mangai Samari kan kiac khoe pawè , aih ma ùh troq?⁴⁹ Chuaq Jesus pa dreo bàu “ Au ùh xài mangai kiac pawè au , mahaq au ta iu Baq au , da pì aih enh poch qmèq ka au”. ⁵⁰ Au ùh chaq kan nhòm ka dađeh ,mahaq i mōeq Mangai chaq , haq aih èh mangai hadrah .⁵¹ Joq qnàng , joq qnàng au doe ka pì, mangai leq iu tiaq bàu au , haq aih èh ùh hnoq kan cachit”⁵²Mangai Judà doe :Manōeq kô nhèn khoe loq joq qnàng ,ìh qmat joq mangai kiac khoe pawè. Apraham khoe cachit , ðiq ðōng bài pajàu hadai, yàng ìh aih doe mangai leq iu tiaq bàu

ih ùh jò leq glàm kan cachit.⁵³ Ìh ma yeo kàn ùh hnau ka baq nhèn ?, aih la Apraham mangai khoe cachit . Bải pajàu hadai khoe cachit , ìh qmat patiah ðeh broq cabô ?⁵⁴ Chuaq Jesus padreo bàu : Tàng joq au padèch kan ranhòm ka raðeh , kan ranhòm aih ùh loh cleq, Baq au , mangai pì doe ðeh Baq , aih mangai broq ka au jah kan ranhòm .⁵⁵ Pì ùh qnì ka Haq, au loq ka Haq. Tàng au doe ðeh ùh qnì ka Haq , aih au hadai loq qnùt tiaha ka pì diq , mahaq au loq ka Haq rai broq tiaq bàu haq.⁵⁶ Baq pì aih Apraham , calah nèn haq tadèch qmòe qnòeh jò haq hnoq hì da au, khoe jah hnoq haq diq jaq lem bùi .” .⁵⁷ Wì tèn ka haq : Ìh qnhòq jah padam jàt hanam , ìh ma khoe hnoq Apraham .⁵⁸ Chuaq Jesus padreo bàu “ Joq qnàng , joq qnàng au doe ka pì , adroe ka i Apraham , khoe i au.”⁵⁹ Jò aih wì toch hmo ðòeq hibùq haq , mahaq Chuaq Jesus cadoc daðeh loh hnim kùh waiq , lam taqnoeq.

Jeus broq brêh ka mangai lua mat..

9.....

¹ Chuaq Jesus bu lam ti trong , hnoq mòeq ngai lua qmòe enh jò baxèm ha-uang . ² Mangai tiaq hóc bóch : Rabi , cabô ma khoe i yiniq lui , cla haq loq miq baq haq, hagleq haq bu ha-uang ma khoe lua qmang qmat ?³ Chuaq Jesus doe “ Qmat ùh xài claq haq hadai ùh xài miq baq haq khoe i yiniq lui , mahaq qmat ðòeq yiniq Boc Plinh broq jah paqnoh ajang haq. ⁴ Jò oe raq qngah da hì , au ep broq gèh ka yiniq Mangai ma khoe thê au trùh, jò tróc clam ùh i cabô oe jah broq cleq.⁵ Jò au oe raq ta crõng taneh , au raq kan qngah ka crõng taneh.”⁶ Khoe ka capoch bàu aih, haq cachôh ta taneh, jràu diac hai ta blo ðòq haq wìa tráp, èh haq xùt ta mat mangai lua aih.⁷ Khoe haq doe “ Lam beq , lam ta bau diac Siloê ðòeq hu qnheo (Siloê aih la Jah thê).” haq hì lam trùh ta bau aih, qnheo , khoe èh wìh hlài, hì jah xau hnoq qmòe lem lech.

⁸ Wì plài mangai lua aih xam bải mangai nèn haq hmaq hnoq mangai lua kô rih ka axìn , wì doe : Ùh ! kô ajoq mangai xan hangui axìn ùh xài ? ⁹ Qnah ngai doe : hì loq haq qmat raq ! Mangai qnoeq doe : Ùh xài , mangai tah hatiaha ka haq. Mahaq cla haq doe lam doe hlài : Hì loq ka au kô raq!¹⁰ Wì bóch : Hagleq mat gè khoe jah tapèch ? ¹¹ Haq tèn bàu : Mangai yiniq haq Jesus leo tráp xùt ta mat au . Haq thê au lam ta bau diac Siloê hu qnheo . Au hì lam qnheo , manòeq au khoe jah xau hnoq.¹² Wì bóch haq : Taleq mangai aih? Haq doe : au ùh qnì.

Kan cadoq ta manoh mangai Pharisi....

¹³ Wì qnong mangai neh haq ma lua mat trùh ajang ngèa mangai Pharisi .¹⁴ Hì Jesus ma leo tráp broq ka mangai lua mat jah brêh aih , wop hì Sabat .¹⁵ Mangai Pharisi bóch hòm hagleq haq ma khoe jah xau hnoq . Haq doe : Mangai aih xùt tráp ta mat au , au lam qnheo khoe hì jah hnoq .¹⁶ Qnah ngai Pharisi doe : Mangai kô ùh xài loh enh Boc Plinh , hacô haq ùh wèq hì Sabat . Mahaq mangai qnoeq hòm doe : Mangai i yiniq lui majah broq kan halac qmang qmat ? Pì tahatroq , wì hì loh ka talah ka dabau .¹⁷ Khoe aih wì haq tawih hlài ajang mangai lua , wì bóch : Manòeq kô mangai ma khoe broq ka ìh jah xau hnoq qmat ìh doe qmang leq ,? Mangai aih padreo bàu : Haq aih mangai pajàu.¹⁸ Mahaq mangai Juda ùh lúi haq aih nèn lua mat yàng manòeq khoe jah hnoq, trùh wì ma hì creu ka miq baq haq . ¹⁹ Wì àu bóch : Kô ajoq kon calô chôp ma xan doe haq lua qmòe enh jò

ha-uang nèh raq? Òq hagleq manòeq haq majah xau hnoq? ²⁰ Wa miq baq haq doe : Ma canau haq qmat joq kon ma ,lua qmòe enh jò ha-uang nèh raq,²¹ yàng manòeq kô hagleq haq jah xau hnoq , ma hadai ùh loq , ma hanoh ùh qnì ka cabô khoe pèch da haq mat .Bòch cla haq , haq khoe kàn , cla haq doe ðeh.²² Miq baq haq majah anoe qmang aih, wa haq crè ka bài gucraqJuda , wì aih khoe doe waq toq cabô doe Jesus aih raq Mêsia , mangai aih èh wì hnan qnoh ðac enh gùng ka hnim tagop qyoh .²³ Aih wa miq baq haq majah doe : Haq khoe troq hanam, bòch cla haq.²⁴ Mangai Pharaisi creò ka mangai nèh haq lua mat aih tam mòeq yàng hòmm , wì doe : Drah manè apôi Boc Plinh beq, nhèn loq mangai aih i yiniq lui. ²⁵mangai aih doe : au ùh qnì mangai aih i yiniq lui loq ùh, au loq mòeq yiniq , nèh au lua mahaq manòeq au jah qngah .²⁶ Wì bòch hòmm: Haq khoe broq ka gè cleq, haq pèch da gè mat qmang leq ?²⁷ Haq padreo bàu : au khoe doe ka pì , pì ùh ta màng .Gleq pì majah enh tàng hòmm ? Ahiaq pì enh broq mangai tiaq hõc haq aih ðiq qmòh? ²⁸ Wì hnap hnuq ka haq rai doe : Gè qmat òq mangai tiaq hõc haq , nhèn kô mangai tiaq hõc Môise .²⁹ Nhèn loq Boc Plinh khoe doe ka Môise , mahaq mangai kô nhèn ùh qnì qmòe ka haq loh enh leq .³⁰ Haq aih padreo bàu :Mangai aih khoe pèch da au mat , aih pì doe ùh qnì haq loh enh leq , aih joq ma halac !
³¹ Bèn loq Boc Plinh malah tamàng bàu mangai i yiniq lui , mahaq tàng cabô loq yùq iu bàu Boc Plinh ,broq tiaq manoh Haq , bàu mangai aih Haq tamàng . ³² I cabô lah tàng doe i mangai pèh mat mangai lua qmòe enh qyoh.³³ Tàng joq mangai kô ùh loh enh Boc Plinh , haq ùh broq cleq majah. ³⁴ Wì têu haq : Gè qmat catàm ta yiniq lui enh jò ha-uang nèh raq, broq deh hnài nhèn ! khoe aih wì hnan qnoh haq enh gùng.

Lua manoh

³⁵ Chuaq Jesus tàng doe wì khoe hnan qnoh cadac mangai aih loh enh gùng, jò hnoq mangai aih ,haq doe “ Ìh alùi Kon Mangai ?” .³⁶ Mangai aih bòch : Wì Craq ! anoe ka au loq haq aih cabô, ðòeq au hu lùì. ³⁷ Chuaq Jesus doe “ Manòeq kô ìh khoe hnoq haq ,joq qnàng , hacô haq mangai qnang hatuàng ti ìh .”³⁸ Mangai aih doe : Waiq Chuaq ! au lùì ìh. ³⁹ Chuaq Jesus doe “ Au khoe trùh ta crõng taneh ðòeq broq kan tah hadrah qmang kô : mangai ùh xau èh jah hnoq , mangai hnoq èh loh ka ùh xau.” ⁴⁰ Mangai Pharisi ma yòng ti haq tàng anoe qmang aih , wì bòch : Ìh doe cleq? Nhèn ma hadai lua mat?⁴¹ Chuaq Jesus doe “ Tàng joq pì hadai lua ,aih pì ùh ka yiniq lui cleq, mahaq manòeq pì doe ðeh qngah , dài aih raq yiniq lui pì majah oe .” .

Mangai ban trùu rabiaq....

10 ..

¹“ Joq qnàng qnàng au doe ka pì mangai , mangai leq thia ta cadrong trùu ma ùh mùt trong qmang , mahaq heo trong qnoeq , aih mangai atùng. ² Mangai leq mùt ti trong qmang , aih majoq mangai ban trùu . ³ Mangai gòm qmang pèh ka haq qmang, trùu tàng dèh bàu mangai ban , haq creò yiniq dèh trùu hu tiaq qnoh enh gùng. ⁴Jò haq khoe qnoh trùu loh ðiq enh gùng , cla haq lam adroe , trùu lam atiq , majah qmang aih trùu canau ka bàu haq .⁵ Mahaq ùh jò leq trùu tiaq mangai ùh canau , majoq qnàng aih trùu loh ka cadàu amot, majah qmang aih haq ùh canau ka bàu mangai aih . ⁶ Chuaq Jesus aliah bàu aih , mahaq bài mangai Pharisi ùh qnì tàng haq anoe cleq.⁷ Aih iq Chuaq

Jesus majah anoe hòm “Jòq qnàng au anoe ka pì , au kô raq qmang triu . ⁸ Bải mangai trùh adroe ka au òq bải mangai atùng , mahaq triu ùh tamàng bàu wì aih.⁹ Au kô raq qmang , mangai leq mùt jang au mangai aih jah dèch . Wì haq jah mùt loh , jah glàm nhat . ¹⁰ Mangai atùng trùh òdeq toq hu atùng , jêh rai palùng đac . .Mahaq au khoe trùh òdeq triu jah rih , rai jah kan rih tàu tì .

¹¹ Au kô raq mangai ban triu khun rabiaq , mangai ban khun rabiaq haq cađac qmòe rađeh òq triu jah kan rih . ¹² Mangai ban acaq baha aih ùh xài mangai ban jòq qnàng , triu hadai ùh xài triu haq , tàng haq hnoq koq gùng trùh, haq cađac triu hu cadàu claih toq ka dađeh . Koq gùng blah yòc triu rai broq ka triu haprah priang . ¹³ Mangai ban baha cadàu toq ka dađeh , haq ùh i hèm trùh triu

¹⁴ Au kô raq mangai ban khun rabiaq , au loq deh ka triu , èh triu au hadai loq ka au . ¹⁵ Tiah ka Baq loq ka au , au loq ka Baq – Au cađac rađeh am ka triu . ¹⁶ Au oe raq i calùh triu qnoeq ùh xài ta cadrong kô . au ep tiaq ahlài haq . Triu aih èh hadai jah tàng bàu au, jah wìa mòeq calùh , èh mòeq ngai ban raq.¹⁷ Hagleq Baq majah loq waq au , aih au phùq deh kan rih òdeq hu jah yòc hlài .¹⁸ Ùh i cabô doeh yòc da au kan rih , mahaq cla au phùq đeh , au i cwiang cađac deh kan rih hadai i cwiang yòc hlài . Baq khoe thê qmang aih.¹⁹ Mangai Juđa tàng bàu aih, wì loh qmòe ka talah ka dabau .²⁰ Qnah ngai doe : Haq qmat kiac pawè haq khoe loh ka rawè , tamàng dèh ka bàu haq ?²¹ Qnah ngai doe : Bàu kô ùh xài bàu mangai kiac khoe caqnit don . Kiac wìa ka jah pèh mat mangai ùh xau ?

²² Trùh hì Ramènh dèch hnìmh kùh waiq ta Jêrusalem . Aih troq jò ralim ,²³ Chuaq Jesus oe ta hamlang hnìmh kùh waiq, haq ti dauq roc canhiang qmang Salomôn . ²⁴ Mangai Juđa ti dudan ka haq rai bôch: Ìh òdeq nhèn rangòt yòt qmang kô trùh jò leq ? Tàng jòq ìh kô raq Mêsia , anoe ka nhèn ma hloh haq.²⁵ Chuaq Jesus padreo bàu “ Au khoe doe ka pì , mahaq pì ùh lùì . Bải yiniq au broq enh dalam ka yiniq Baq au , khoe wiang panhìn ka au.²⁶ mahaq pì ùh lùì ,majah qmang aih pì ùh xài triu au .²⁷ Triu da au tamàng bàu au, Au loq ka wì haq , wì haq tiaq au .²⁸ Au am ka wì haq kan rih halinh mòeq òde , wì haq ùh jò leq cachit , ùh i cabô jah hrùiq yòc wì haq enh tì au .²⁹ Baq au Mangai ma khoe am triu aih ka au , Haq yeo kàn òq òng . Ùh i cabô jah hrùiq yòc wì haq enh tì Baq au .³⁰ Au xam Baq aih mòeq raq.

³¹ Mangai Juđa tóch hmo hu hibùq haq hòm .³² Chuaq Jesus doe “Au khoe broq ka pì hnoq bàc yiniq lem loh enh Baq .Yiniq cleq pì majah tóch hmo hu òp au .”³³ wì doe: Ùh xài ìh broq lem nhèn majah òp ìh, mahaq taiq ìh capoch haqnhèq bàu ùh hòq qmòe cleq , ìh qmat xài mangai , aih ìh ma doe rađeh Boc Plinh .³⁴ Chuaq Jesus padreo bàu : Ta Hset ranenh pì ùh xài i achih : Au khoe creò ka pì aih yiang qmòh ?³⁵ Tàng Hset Ranenh creò ka bải mangai jah bàu Boc Plinh aih yiang , tàng jòq bàu Hset Hadròeh ùh jah cađac ,³⁶ ha mangai Baq ma khoe òdeq dèh crài , khoe thê loh ta cròng taneh kô? Hagleq pì majah doe au haqnhèq bàu jò au doe au kon Boc Plinh.”³⁷ Apa q lùì ,tàng jòq au ùh broq yiniq Baq broq . ³⁸ Mahaq tàng au broq ,yac ka pì ùh lùì au , pì lùì bải yiniq au broq , aih pì hi canau loq Baq oe enh dalam ka au, au hadai oe enh dalam ka Baq.” ³⁹ Wì àu rùp haq hòm , mahaq haq wìa cađac.

⁴⁰ Khoe aih Chuaq Jesus wìh hlài apah tau cròng diac Jôđan , trùh ta nòe Jon ma baxèm broq baptem nèh. Haq oe ta aih,⁴¹ bàc ngai trùh ta haq . Wì doe : Yac ka Jon qnhòq hmaq broq cleq ma

halac , mahaq rìm nà Jon anoe trùh mangai kô aih òi wop òng . ⁴² Ta aih ,i bàc ngai lùì Chuaq Jesus.

Laxaru rìh hlài

11

¹ I mòeq ngai ùh hròc yiniq haq Laxaru , oe ta Bêthani , plài Mari xam Mathê daq haq .² Mari aih mangai ma khoe xùt òu xua thùm ka Chuaq Jesus ,rai yòc deh xác gàu xùt jènh Jesus , daq haq Laxaru qnang ùh hròc .³ Wa thê mangai lam patìn ka Chuaq Jesus :Waiq Chuaq ! mangai ìh ma loq waq khoe ùh hròc

⁴ Jò Chuaq Jesus tàng qmang aih ,haq doe “ Yiniq kô ùh i ma doe cachit , mahaq òeq ka Boc Plinh jah kan ranhòm , aih èh yiniq Kon haq hadai jah qngah qngai” .⁵ Chuaq Jesus loq waq ka Mathê,loq waq ka oh haq xam Laxaru.⁶ Jò Haq tàng doe Laxaru ùh hròc , haq oe tam ta aih baiq hi .⁷ Khoe aih haq doe ka mangai tiaq hóc “ Beq bèn wìh hlài ta Judê”

⁸Mangai tiaq hóc doe : Rabi ! Neo ta adreo kô nèh , mangai Judà kô yòc hmo hu hacam òp ìh , ìh oe wìh hlài ta aih hòm qmòh ?⁹ Chuaq Jesus padreo bàu “Dahì ma ùh xài i mòeq jàt baiq jò qmòh ? Mangai cadiang lam jò dahì aih ùh catoeh , majah qmang aih kan qngah ta cròng taneh kô broq ka haq xau hnoq .¹⁰Mahaq tàng cabô cadiang lam jò damang , haq catoeh majah qmang aih haq ùh i ka kan qngah” .¹¹ Atiq ka anoe bàu kô , Chuaq Jesus doe “ Laxaru bua bèn qnang kùì ,mahaq au trùh ta aih hu padriu haq .”¹²Mangai tiaq hóc doe : Tàng joq haq jah kùì , aih èh haq rênh brêh .¹³ Chuaq Jesus anoe bàu aih hu doe Laxaru khoe cachit mahaq mangai tiaq hóc xoh òeh haq kùì joq qnang.¹⁴ Haq hi anoe hloh hloe ka wì “ Laxaru khoe cachit” ,¹⁵Au lem bùi am ka pì ,ùh i ka au ta aih , òeq pì hu lùì, beq bèn lam ta haq.”¹⁶ Khoe aih Thôma (Qnah ngai creò Òi òim) doe : Beq bèn hanoh lam ,hu cachit pajùm ti haq .”

Jeus alòng wa oh Laxaru...

¹⁷ Jò trùh ta aih , Chuaq Jesus loq Laxaru oe ta ralùng khoe jah pòn hi .¹⁸ Adreo Bêthani trùh Jêrusalem bu mòeq jàt padam êtado .¹⁹ I bàc ngai Judà trùh ta aih hu alòng Mathê xam Mari jò daq wa khoe pì i .²⁰ Jò Mathê tàng doe i Chuaq Jesus trùh , haq tùh loh , mahaq Mari oe raq ta hnim .²¹ Mathê doe : Waiq Chuaq ! Tàng i ìh tacô, daq au ùh cachit .²² Mahaq manòeq kô au loq , ìh bòch cleq dua Boc Plinh am.²³ Chuaq Jesus doe ka haq “Daq ìh jah rìh hlài.”²⁴Mathê padreo bàu :Au loq trùh jò mangai cachit rìh hlài hi atiq pulùch èh, haq jah rìh hlài .²⁵Chuaq Jesus doe ka haq “ Au kô raq kan rìh xam kan rìh hlài . Mangai leq lùì au haq aih jah rìh hlài, yac ka haq khoe cachit ,²⁶ Èh hòm , mangai oe rìh lùì au , haq aih ùh cachit . ìh alùì qmang aih?”²⁷Mathê padreo bàu : Waiq Chuaq , au lùì ìh kô raq Christ , Kon calô Boc Plinh , Mangai òeq trùh ta cròng taneh kô.²⁸ Khoe ka doe qmang aih , haq hlài chop anoe deh ka Mari oh haq : Mangai hnài qnang oe tacô , haq creò chaq oh ,²⁹ Jò Mari tàng qmang aih , haq drah yòng lam trùh ta Chuaq Jesus.³⁰ Jò kô Jesus qnhòq mùt taplài , oe raq yòng tanòe Mathê ma loh òih haq.³¹ Mangai Judà qnang oe ta hnim ti Mari òeq alòng haq, jò hnoq haq loh lam, wì drah tiaq haq majah qmang aih wì hèm canau haq loh hmoe ta

ralùng.³² Jò Mari trùh ajang nòe Chuaq Jesus yòng , bu hnoq Haq, Mary hacùn cràng nòe jènh Chuaq Jesus rai anoe : Waiq Chuaq! Tàng joq ìh oe tacô , daq au ùh ì cachit.³³ Jò Chuaq Jesus hnoq Mary hmoe ,èh hnoq bòe mangai Juda ma lam tiaq haq hanoh hmoe , Chuaq Jesus tamèt ta manoh ,haq bòch “Pì catùh hanang haq taleq?”³⁴ Dìq ka wì doe : Waiq Chuaq ! Ìh lam hu ngan.³⁵ Chuaq Jesus hmoe³⁶ Mangai Juda ta anoe: Ngan meh! Kan haq loq waq ka Laxaru qnì dàng leq .³⁷ Mahaq ì qnah ngai doe : Mangai khoe jah pèch mat mangai lua , lai q ma hadai broq mangai kô ùh cachit qmòh ?³⁸ Jò aih , Chuaq Jesus haq jìq tam ta manoh , haq lam trùh ta ralùng (Ralùng aih kòp ì mòeq toq hmo kàn padit ajang ngah) .³⁹ Haq doe “ Cadro hmo qmat lam taqnoeq”. Mathê oh mangai cachit aih doe : Waiq Chuaq ! manòeq kô khoe xua ,majah qmang aih haq oe ta ralùng khoe pôn hì .⁴⁰ Chuaq Jesus doe hòm “Au ma qnhòq lah doe ka ìh tàng joq ìh lùì ,ìh hì jah hnoq kan ranhòm Boc plình ?”⁴¹ Qmang aih ,wì hì cadro đac hmo. Khoe aih Chuaq Jesus qngoc ngan ta plình rai doe “ Baq, au manè apôi ìh khoe tamàng bàu au,⁴² au loq yac ka jò leq dua Ìh tamàng bàu au, mahaq au majah anoe qmang aih dōq wì ma yòng dudan tacô jah tàng , đòeq ka wì haq jah loq ìh khoe thê au trùh”.⁴³ Khoe ka anoe qmang aih, haq cre cadêh “ Laxaru ! loh beq”⁴⁴ Mangai cachit hì cadiang loh , bai lòm hanang oe raq kàt da haq jènh tì , mù oe raq tù da haq hadrò. Chuaq Jesus doe ka wì “ Lêh đong bai qmat, dōq haq jah lam”.

Chaq trong hu jêh đac Jesus....

⁴⁵ Bacc ngai Juda ma trùh đòeq hu alòng Mari hnoq yiniq Chuaq Jesus broq , wì hì lùì haq .⁴⁶ Mahaq ì qnah ngai lam chaq bài mangai Pharisi anoe ka wì aih loq yiniq Chuaq Jesus khoe broq.⁴⁷ Bòe pajàu kàn xam mangai Pharisi tagop ti dabau ta hnìm hadrah , wì doe :Mangai kô broq bacc kan halac , bèn broq qmang leq kô èh ?⁴⁸ tàng joq bèn xan dōq haq broq yôt qmang kô, trùh wì ma lùì đong haq , jò aih èh hnìm kùh waiq xam taneh diac bèn , mangai Rôma trùh tacô raliang đac đong .⁴⁹ Khoe aih ì mòeq ngai yiniq haq Caiphe , hanam aih haq broq cla craq pajàu kàn, haq doe : Pì ùh lòm qnì qmòe cleq!⁵⁰ Pì ùh hèm tàng mòeq ngai cachit am dīq đong ka mangai aih ajoq yeo lem ùh hnau dīq ka taneh diac kô lũng pac đong.⁵¹ Bàu aih ùh xài cla haq anoe đeh , mahaq hanam aih haq broq cla craq pajàu kàn , haq tapoch pajàu trùh Chuaq Jesus padon cachit am dīq đong ka mangai,⁵²èh ùh xài toq ka taneh diac aih mahaq xam dīq đong ka kon Boc plình ma khoe prah priang , đòeq hu tagop ahlài wì haq dōq wì haq wìa mòeq .⁵³ Pang hì aih wì hì chaq trong jêh cadac haq.⁵⁴ Dài aih ìq , Chuaq Jesus lam ta gùng Juda , mahaq pì am bacc ngai loq , Chuaq Jesus cadac ta aih haq lam mùt tagùng haten ka đùng hawit , trùh ta plài Epra-im haq hì oe ta aih dèh ti bòe mangai tiaq hōc.⁵⁵ Hì ramènh Pan cwa da mangai Juda ten trùh, bacc ngai tōc ta Jerusalem adroe ka hì ramènh basròeh .⁵⁶ Wì haq ti chaq Chuaq Jesus, oe ta hnìm kùh waiq wì haq bòch dabau : Pì hèm qmang leq cadêh ?⁵⁷ Mahaq bài pajàu kàn xam mangai Pharisi khoe tanap bàu waq toq cabô hnoq Chuaq Jesus oe taleq , mangai aih ep lam anoe ka wì haq loq đòeq wì haq hu rùp Chuaq Jesus.

Mari xùt dàu ka Jesus ...

¹ Tadrâu hi adroe ka ramènh Pancwa , Chuaq Jesus mùt ta plài Bêthani, aih nòe Laxaru, mangai Chuaq Jesus khoe broq haq rih hlài enh kan cachit.² Wì padon yiniang ka Chuaq Jesus acaq ta aih , , Mathê ti patih , Laxaru hadai hangui ti wì ma acaq pajùm aniang ti haq .³ Mari yõc qne lit dầu xua thùm canaq bac ,haq púc dầu aih ta jènh Chuaq Jesus èh yõc deh xác gàu xùt da haq jènh . Ta hnim aih bìn đồng kan xua thùm .⁴ Mahaq i mòeq ngai tiaq hõc ,yiniq haq Juđa , mangai atiq kô èh ma blòq Chauq Jesus ,haq doe :⁵ Hagleq ma ùh tech dầu kô hu yõc bac òeq am ka mangai pa ? Dầu qmat mòeq hanam abroq men plàih .⁶ Haq anoe qmang aih ùh xài haq loq hèm trùh mangai pa , mahaq haq aih mangai loq atùng , haq mangai wèq bac jèn xan bõc yõc atùng bac wì tah ta aih .⁷ Chuaq Jesus doe “ Paq troq dèh ka haq , haq khoe palauq dầu qmat òeq trùh hi hu lòm hanang au ⁸Jò leq ma ùh i ka mangai pa oe dudan ti pì , mahaq au ma i oe yôt ti pì”.⁹ Jò aih haraya mangai Juđa loq ka Chauq Jesus oe ta aih , wì trùh ùh xài òeq hnoq toq Chuaq Jesus ,mahaq hu ngan hloe xam Laxaru, mangai Chuaq Jesus khoe broq rih hlài enh kan cachit .¹⁰ Bài mangai pajàu kàn hadai chaq trong jèh cađac hloe xam Laxaru.¹¹ Ajang Laxaru aih raq majah i bàc ngai Juđa rai trùh rai lùl Chuaq Jesus.

Jesus mùt ta Jerusalem qmang ka bùa

¹² Hi atiq, pi cajaq mangai tõi hâu Ramènh Pancwa , tàng doe Chuaq Jesus qnang tõi ta Jérusalem .¹³ Wì hlèh hla triaq, tùh loh ta Chuaq Jesus rai cachech :

Hôsana !

Xôq ramot am ka mangai trùh enh dalam yiniq Chuaq .

Xôq ramot ka bùa Isorali !

¹⁴ Chuaq Jesus hnoq mòeq toq lùa qyoh , Haq tõi hangui enh crõng lùa aih, qmang ka bàu khoe achih :

¹⁵“ Kon adrùh Siôn! Apa q crè ,

Ngan meh ,bùa pì qnang trùh ,

Hangui enh crõng lùa qyoh.”

¹⁶ Jò baxèm aih, mangai tiaq hõc ùh qnì bài biac kô . Trùh atiq ka jò Chuaq Jesus khoe jah ranhòm wì haq men hmàng hlài bài bàu aih khoe achih trùh haq , wì broq qmang aih òeq xit ka bàu aih gèh.¹⁷ bài mangai ma oe ti Chuaq Jesus jò haq creo ka Laxaru loh enh ralùng rai broq ka haq rih hlài , hadai ùh hêq ka anoe yôt biac aih.¹⁸ Bàc ngai khoe tàng doe Chuaq Jesus broq trong halac kô , aih iq bài wì majah loh ðih Chuaq Jesus .¹⁹ Mangai Pharisai ta anoe ka da bau : Pì ahnoq rađeh ùh broq cleq jah , ngan tau , ðiq ka phù crõng tiaq ðõng haq !

²⁰ Jò wì ma tõi kùh waiq ta hi Ramènh ,ta aih i mangai Gorec ,²¹ trùh ajang Philip mangai Bet-saïđa gùng Galili, wì haq doe : wì cra q ! nhèn enh hnoq ðeh Chuaq Jesus !²² Philip lam doe ka Anrê , Anrê xam Philip lam anoe ka Chuaq Jesus .²³ Chuaq Jesus padreo bàu “Jò Kon Mangai jah kan

ranhòom khoe trùh.²⁴ Joq qnàng , joq qnàng au anoe ka pì , tàng joq pliang adrech qmau tau ùh cachit , atiq ka jò haq khoe jah rai ta taneh aih èh haq oe moe dèh qmang aih raq . Mahaq tàng joq haq cachit , aih èh haq men jah loh qmòe ka bàc .²⁵ Mangai leq loq waq dèh toq kan rih cla , aih èh hnhung , mangai leq git deh kan rih cla ta qnhòng kô , haq aih èh jah wèq hlài dèh trùh ta qnhòng rih halinh mòeq òe .²⁶ Mangai leq patih ka au , ep tiaq au , èh au oe taleq mangai patih hadai ep oe ta aih , tàng cabô patih ka au , Baq au ta-iu ka mangai aih.”²⁷ Manòeq kô mahua yiang au ma nhài ùh catèm , au anoe cleq kô èh ? Waiq Baq ! dèch kon khoe ka jò kô ! mahaq taiq jò kô raq kon majah khoe trùh .²⁸ Baq ! broq ka cla yiniq ìh jah qngah qngai.” Wop jò aih, i bàu enh plinh doe : Au khoe broq qngah qngai yiniq au , au oe raq broq dòq qngah qngai hòim !²⁹ Wì ma oe ta aih tàng bàu aih wì doe : Tróc hilùng , i qnah ngai doe : I bình plinh loh hatuàng ka haq .³⁰ Chuaq Jesus doe “ Bàu kô ùh xài am ka au , mahaq òe q am ka pì .³¹ Manòeq kô i kan hadrah ka crông taneh kô , hanoh manòeq kô raq bùa crông taneh kô ep drùh qnoh òe .³² Yàng da au kô hòim , jò chac au jah dèch atua khoe ka taneh , aih èh au hi aràng òe q mangai trùh ti au” .³³ Haq doe bàu kô òe q hu anoe rađeh cachit qmang leq .³⁴ Bài mangai ta aih doe : Nhèn i hóc ta hset ranenh doe Christ rih mòeq òe , wìa ka ìh doe : Kon Mangai ep dèch atua haqnhèq ? Kon mangai aih ìq cabô ?³⁵ Chuaq Jesus padreo bàu “ Kan qngah oe taqne pì toq bìa hòim , cadiang lam jò oe raq i kan qngah , adroe ka kan clam trùh enh qnhèq ka pì . Mangai cadiang lam ta clam ùh qnì ka rađeh qnang lam taleq .³⁶ Pì qnang i kan qngah , drah lùì kan qngah aih , dòq pì wìa kon da kan qngah ”. Jò khoe hêq ka capoch qmang aih , Chuaq Jesus puplech hangai ka wì .

Kan ùh lùì da mangai Judà.....

³⁷Yac ka Chuaq Jesus khoe broq bàc trong halac enh ngèa wì , dua wì ùh lùì haq .³⁸ Qmang aih dòq xit qmang ka bàu pajàu Êsai khoe doe :

Chuaq ! cabô ma khoe lùì bàu nhèn anoe

Tì Chuaq khoe paqnoh am ka cabô ? .

³⁹ Wì majah ùh lùì , taiq ajang qnoeq Êsai i doe :

⁴⁰ Haq khoe broq ka mat wì ùh xau hnoq , manoh wì cadoq ,

Yùq mat wì loq hnoq , manoh wì loq tàng ,

Wì haq wih hlài , èh au loq broq wì haq jah brêh qmòh !.

⁴¹ Êsai capoch bàu kô, haq anoe trùh Chuaq Jesus majah qmang aih haq khoe hnoq kan ranhòom Chuaq Jesus.⁴² Hnoq anoe qmang aih , jò aih taqne bài cwan ma broq gàu i bàc ngai lùì Chuaq Jesus , mahaq wì haq ùh hùa anoe qnoh , majah qmang aih wì crè ka bài mangai Pharisi loq hnan qnoh wì haq enh gùng ka hnim tagop. ⁴³ Aih ìq, wì haq enh waq kan ranhòom da kon mangai ùh hnau kan ranhòom da Boc Plinh . ⁴⁴ Khoe aih , Chuaq Jesus tapoch qmòe cadêh “ Cabô lùì au ùh xài lùì mòeq ngai au , mahaq lùì Mangai ma khoe thê au . ⁴⁵ mangai leq hnoq au , aih hnoq Mangai thê au. ⁴⁶ Au khoe trùh òe q hu broq kan qngah ta crông taneh , dòq ka mangai leq lùì au pì hìaq oe raq ta kan

clam cluiq hòim .⁴⁷ Tàng mangai leq tamàng bàu au , mahaq ùh wèq tiaq bàu aih , au ùh i tahadrah ka haq aih , majah qmang aih au trùh ùh xài hu hadrah crông taneh kô , mahaq hu dèch crông taneh kô .⁴⁸ Khoe i kan hadrah ka mangai leq ma cwaih cađac au , ùh di yóc bàu au , bàu au khoe capoch , bàu aih raq ma hadrah wì haq ta hì pulùch .⁴⁹ Majah qmang aih òiq ka bàu au anoe , ùh xài au anoe tiaq deh manoh cla , mahaq Baq khoe thê au trùh . Haq khoe am bàu òeq au hu anoe hu hnài⁵⁰ Au loq bàu Haq thê , aih kan rih halinh mòeq òeq . Qmang aih , bàu au anoe , aih anoe tiaq bàu Baq au khoe thê.” .

13 .. *Qnheo jènh mangai tiaq hóc...*

¹ Adroe ka hì ramènh Pancwa , Chuaq Jesus loq khoe ten trùh jò rađeh padon cađac crông taneh òeq hu hlài deh ti Baq, haq khoe loq waq deh ka mangai da haq oe ta crông taneh kô aih haq loq waq trùh lùch trùh gèh .² Qnang jò acaq di xèq , kan kiac baxrùq manoh Juda icariôt ,kon Simôn òeq haq blòq Chuaq Jesus .³ Chuaq Jesus loq Baq khoe jao ta tì dađeh rìim yiniq , majah qmang aih haq khoe trùh enh Boc Plình , manòeq padon wìh hlài ta Boc Plình ,⁴ Jò acaq , haq padinh yòng , lèh deh eo enh gùng , yóc mù kàt ajang caqnam .⁵ Èh haq ùc diac ta khai hì qnheo jènh mangai tiaq hóc , khoe aih haq yóc mù ma kàt ti caqnam hì xùt waq ka srènh .⁶ Haq trùh ajang Simôn Phiero , Phiero doe : Chuaq au ! Wì ka ìh qnheo jènh au qmòh?⁷ Chuaq Jesus padreo bàu “ Manòeq kô ìh qnhòq qnì trong au ma qnang broq, mahaq atìq èh ìh hi loq” .⁸ Phiero doe : Ùh òh ! ùh jò leq au òh ìh qnheo da au jènh . Chuaq Jesus doe “ Tàng joq au ùh qnheo jènh ìh , aih èh ìh ùh i pajum cleq ti au” .⁹ Simôn padreo bàu : Chuaq au ! Tàng qmang aih , ùh xài toq qnheo jènh , ìh qnheo hloe xam tì xam gàu au òiq .¹⁰ Chuaq Jesus doe “ Mangai khoe hùm , qnheo toq jènh raq hi hreo , pì khoe jah hreo , mahaq ùh xài rìim ngai” .¹¹ Majah qmang aih Chuaq Jesus loq cabô ma padon blòq haq , dài haq majah doe “ Ùh xài rìim ngai khoe jah hreo” .

¹² Jò qnheo da wì jènh hì khoe , Chuaq Jesus caxùnh dèh eo , lam hangui hlài dèh anòe acaq, haq bòch wì “ Pì aloq yiniq au ma neo broq am ka pì qmat ?¹³ Pì doe au : Mangai hnài, creò au Chuaq pì, aih troq, au joq qmang aih¹⁴ tàng au Chuaq pì , mangai hnài pì , khoe qnheo jènh pì ,qmang aih pì hadai ep qnheo jènh da bau .¹⁵ Majah qmang aih , au khoe broq dua òeq pì hnoq , òh pì hadai broq qmang ka au khoe broq ka pì .”¹⁶ Joq qnàng , joq qnàng au doe ka pì , hapōng ùh yeo kàn hnau cla wì craq , mangai loh lam ùh yeo kàn hnau ka mangai thê lam .¹⁷ Tàng pì loq bài yiniq kô rai broq tiaq aih èh pì jah xòq ramot .¹⁸ Au ùh i anoe ka pì rìim ngai , au loq dèh mangai leq au khoe ràih ,mahaq waq ka jah xit qmang ka bàu Hset Hadròeh : Mangai hmaq acaq bèn au, dèch lùn jènh blòq au .¹⁹ Manòeq kô au chôn anoe adroe ka pì jò bài yiniq aih qnhòq trùh , òeq jò yiniq aih trùh , pì hu jah loq au kô raq Mangai aih .²⁰ Joq qnàng ,joq qnàng au anoe ka pì , cabô òh mangai au thê , aih òh au , cabô òh au aih òh Mangai thê au” .

²¹ Atìq ka anoe bàu aih ,Chuaq Jesus manhài ùh catèm ta manoh, Haq doe “ Joq qnàng, joq qnàng au doe ka pì , taqne pì i mòeq ngai padon blòq au” .²² Mangai tiaq hóc ti ngan dabau , ùh qnì qmòe haq ràu trùh cabô .²³ Taqne mangai tiaq hóc i mòeq ngai Chuaq Jesus ma loq waq , jò aih haq hangui hatia ka Chuaq Jesus .²⁴ Simôn Phiero kùh gàu ka haq thê haq aih bòch ngan Chuaq Jesus enh anoe trùh cabô .²⁵ Haq chinh rađeh angèn ajang rada Chuaq ,haq hi bòch : Chuaq au ! aih òq cabô?²⁶

Chuaq Jesus padreo bàu “ Aih mangai au padon am ka haq haqnech bênh au khoe chùq diac kô”. Èh Chuaq Jesus yõc mòeq haqnech bênh chùq ta diac khoe aih am ka Juda , kon da Simôn Icariôt .²⁷ Dra q drinh hloe jò Juda hnhu ti yõc bênh , Satan mùt enh dalam ka haq . Chuaq Jesus doe ka haq “ Ìh broq deh cleq , drah broq beq”.²⁸ Mahaq diq ka wì hangui acaq ta aih , ùh i mangai leq qnì hagleq Chuaq Jesus majah thê haq qmang aih .²⁹ Majah qmang aih Juda mangai wèq bac , qnah ngai hêm Chuaq thê haq lam rot dahwèq palauq ðòeq ka hì ramènh, tàng ùh meh yõc bac ti am ka mangai pa .³⁰ Juda yõc bênh hi loh lam . Jò aih tróc khoe clam .

Ranenh maneo..... Phiero hangah ðeh ùh qnì ka Haq.

³¹Jò Juda khoe lam , Chuaq Jesus doe “ Manòeq kô khoe trùh jò Kon Mangai jah ranhòm , Boc Plinh hadai jah kan ranhòm enh dalam ka haq. ³²Tàng joq Boc Plinh ranhòm enh dalam ka haq ,aih èh Boc plinh hadai ðèch kan ranhòm ka Kon Mangai enh dalam cla Boc Plinh , Boc Plinh broq qmòe manòeq kô raq.³³ Yôiq yôiq wì kon ! Au oe tam ti pì toq biao hòm , kô èh pì ti chaq au , tiah ka au anoe ka mangai Juda : Nòe au lam pì lam ùh jah , manòeq au hadai anoe ka pì bàu aih. ³⁴Au am ka pì ranenh neo : aih pì ep loq waq ka dabau ! tiah ka au khoe loq waq ka pì qmang leq , pì hadai loq waq ka dabau qmang aih”. ³⁵Tàng joq pì loq waq ka dabau , ajang aih èh wì phù cròng ma canau pì joq qnàng mangai tiaq hõc da au”. ³⁶ Simôn doe : Chuaq au ! Ìh lam taleq? Chuaq Jesus padreo bàu: Nòe au lam ,manòeq ìh tiaq ùh jah , mahaq hì atiq èh ìh ma tiaq au” ³⁷Phiero bòch : Chuaq au ! hagleq manòeq au ma ùh jah tiaq ìh ? au hùà tamùà hu tiaq Ìh . ³⁸Chuaq Jesus padreo bàu “ Ajoq ìh hùà tamùà hu tiaq au ? Joq qnàng ,joq qnàng , au doe ka ìh jò ia qnhòq rống ìh khoe pìq yàng hangah ðeh ùh qnì ka au” .

Jesus alòng mangai tiaq hõc ...

14 ..

¹ Manoh pì ùh dùh manhài ðèh , pì lùì Boc Plinh , pì hadai ep lùì au . ² Hnim Baq au i bàc nòe oe , tàng ùh qmang aih , ajoq au khoe doe ka pì au lam adroe ðòeq padon ka pì mòeq nòe oe ?³Jò au khoe lam padon ka pì nòe , aih èh au wìh hlài ðòeq hu aràng pì oe ti au ,dôq au taleq pì hadai oe ta aih. ⁴ Pì loq au lam taleq ,pì hadai loq trong lam .

Jesus aih trong lam trùh ti Baq ...

⁵ Thôma bòch Chuaq Jesus :Chuaq au ! nhèn ùh qnì ìh lam taleq , aih broq qmang leq nhèn ma loq ka trong lam ? ⁶ Chuaq Jesus padreo bàu “ Au kô raq trong lam , bàu joq qnàng xam kan rìh”. Enh gùng ka au ùh i cabô jah trùh ti Baq. ⁷ Tàng joq pì loq ka au , pì hadai loq ka Baq au . Pang kô ta èh pì loq ka Haq , pì hadai khoe hnoq haq.⁸ Philip doe : Chuaq au ! Ìh patô am ka nhèn hnoq ðèh Baq diq , toq aih raq khoe hêq . ⁹ Chuaq Jesus padreo bàu “ Philip, au oe ti pì khoe dùnh , pì qnhòq qnì ka au !Cabô khoe hnoq au aih khoe hnoq Baq. Gleq ìh majah doe :Patô am nhèn jah hnoq ðèh Baq ?” ¹⁰ Ìh ma ùh lùì au oe enh dalam ka Baq , Baq oe enh dalam ka au qmòh? Diq ka bàu au anoe ka pì , aih ùh xài cla au capoch ðèh mahaq aih Baq rìh enh dalam ka au, cla Haq abroq gêh ðèh biac da haq .¹¹ Jò au doe au oe ti Baq , Baq oe enh dalam ka au , pì drah lùì au , ùh meh lùì bài yiniq au

khoe broq . ¹² Joq qnàng au doe ka pì , cabô lùì au ,hadai jah broq yiniq au ma broq èh broq kàn ùh hnau ka aih hòmm, majah qmang aih au hlài dèh ta Baq . ¹³ Pì canòm ka yiniq au òòeq bòch cleq, dua au am ka pì , waq ka Baq jah kan ranhòm ajang Kon . ¹⁴ Pì canòm ka yiniq au yac ka bòch cleq, dua au broq am ka pì” .

Jesus tèu bàu am Yeang Hadròeh

¹⁵ Tàng joq pì loq waq ka au , aih pì wèq bàu au khoe thê . ¹⁶ I au bòch Baq dòq haq am ka pì Yiang alòng maqnoeq òòeq hu oe hloe ti pì , ¹⁷ aih Yiang bàu joq qnàng. Crõng taneh kô ùh jah yòc haq , majah qmang aih wì ùh xau hnoq haq ,wì hadai ùh qnì ka haq. Mahaq pì loq ka haq, majah qmang aih haq rih ti pì , oe enh dalam ka pì . ¹⁸ Au ùh cađac pì tiaq lac lai . Au trùh ti pì . ¹⁹ oe toq biao hòmm , mangai oe crõng taneh kô pì jah hnoq au , mahaq pì jah hnoq au ,majah qmang aih au rih pì hadai jah rih . ²⁰ Hi aih , pì hi canau au oe enh dalam ka Baq au, pì oe enh dalam ka au , au oe enh dalam ka pì . ²¹ Mangai leq i ranenh au rai wèq tiaq, aih mangai ma loq waq ka au . Mangai leq ma loq waq ka au , Baq au hadai loq waq chau ka haq aih , au hanoh loq waq ka haq rai patô rađeh ka wì haq. ²² Judà ,(ùh xài Ica-riot) doe : Chuaq au! Hagleq ih majah doe ih mahnu rađeh am ka nhèn mahaq ùh mahnu rađeh ka mangai crõng taneh kô ? ²³ Chuaq Jesus padreo bàu “ Mangai leq loq waq ka au , mangai aih iu bàu au hnài . Baq au loq waq ka haq aih , òiq ka nhèn trùh rai oe ti haq. ²⁴ Mangai leq ùh loq waq ka au , mangai aih ùh tiaq bàu au hnài . Òiq ka bàu pì tàng aih ùh xài bàu cla au , mahaq loh enh Baq , haq aih mangai ma thê au trùh . ²⁵ Òiq ka bài yiniq aih au khoe anoe jò au oe raq oe ti pì . ²⁶ Mahaq jò Yiang alòng , aih la Yiang Hadròeh, Baq canòm ka yiniq au òòeq thê trùh .Haq aih èh jah hnài pì rìmm trong, bahmàng pì hmàng hlài rìmm yiniq au anoe ka pì . ²⁷ Au òòeq ka pì kan catèm , au am ka pì kan catèm da au , kan catèm au am ka pì ùh xài qmang da crõng taneh am .Manoh pì apaq rawè hadai apaq yùq . ²⁸ Pì khoe tàng au doe : Au padon lam hangai khoe aih au tawìh hlài ta pì . Tàng pì loq waq ka au , aih èh pì lem bùi jò au hlài deh ta Baq , majah qmang aih Baq yeo kàn ka au . ²⁹ Manòeq kô au chônñ anoe am ka pì, adroe ka bài yiniq aih trùh , òòeq jò bài yiniq aih trùh pì hu lùì . ³⁰ Au pì anoe ka pì cleq bàc hòmm, majah qmang aih bùa da crõng taneh kô qnang padon trùh. Haq aih ùh i cwiang cleq enh qnhèq ka au . ³¹ mahaq òòeq ka crõng taneh kô loq au loq waq deh ka Baq , au broq troq tiaq bàu Baq au thê . Drah yòng! beq bèn loh khoe enh kô.”

Rangàu nho xam hamenh...

15

¹ Au kô raq rangàu nho joq qnàng , Baq au Mangai pìt . ² Hamenh leq ta au ma ùh loh plì ,Haq sri òòng , Haq trêh palauq bài hamenh ma loh plì dòq plì top ùh hnau hòmm . ³ Pì khoe jah sròeh canòm ka bàu au khoe doe ka pì . ⁴ Pì ep oe yòt enh dalam au tiaq ka au hadai oe enh dalam ka pì .Tiaq ka hamenh nho tàng joq haq ùh hatop ajang rangàu tùn nho , aih haq ùh loh plì ,hadai qmang aih tàng joq pì ùh oe yòt enh dalam ka au, pì hadai ùh loh plì. ⁵ Au kô raq tùn nho , pì aih hamenh .Mangai leq oe yòt enh dalam ka au , au oe enh dalam ka haq aih èh loh plì ma bàc, majah qmang aih enh gùng ka au , pì ùh i broq cleq jah . ⁶ Tàng joq mangai leq ùh oe yòt enh dalam ka au, haq aih èh ep khwênñ qnoh cađac enh gùng , tiaq ka hamenh nho , hamenh hi croh , wì toch khwênñ ta ùnh haq hi

cheo .⁷ Tàng pì oe yôt enh dalam ka au èh bàu au hadai oe yôt enh dalam ka pì ,bòch beq yiniq cleq pì enh aih pì hi jah .⁸ Ajang kô ma broq ka yiniq Baq au jah qngah :Aih pì loh pìlì bàc , qmang aih èh mangai tiaq hõc da au .⁹ Tìah ka Baq khoe loq waq ka au qmang leq, au hadai loq waq ka pì qmang aih . Manòeq kô thê pì oe hloe ta kan loq waq au .¹⁰ Tàng pì wèq ranenh au thê , aih pì jah oe hloe ta kan loq waq da au, tìah ka au wèq deh ranenh Baq au thê, au hanoh jah oe yôt ti kan loq waq Haq .¹¹ Au anoe ka pì bài yiniq kô , òeq kan lem bùi da au jah oe enh dalam ka pì , òq kan lem bùi pì jah tòm xôm.¹² Kô ranenh au thê : Pì loq waq ka dabau qmang ka au khoe loq waq ka pì .¹³ Òh i kan loq waq leq ma yeo kàn òh hnau kan loq waq chiùq cachit am deh ka bua.¹⁴ Tàng joq pì broq tiaq bàu au hnài , aih pì joq bua au .¹⁵ Au pì creò pì hapõng hòm , majah qmang aih hapõng òh qnì wì craq broq cleq , mahaq au khoe doe pì kô bua au , majah qmang aih au khoe anoe ka pì loq rìm yiniq au tàng deh enh Baq au .¹⁶ Aih òh xài pì khoe ràih au , mahaq au ma khoe ràih rai dèch paqnàng pì , òeq pì loh lam , òq pìlì da pì jah top hloe ,èh Baq hadai am tam ka pì rìm trong pì canòm ka yiniq au òeq bòch Haq .¹⁷ Kô ranenh au thê : Pì ep loq waq ka dabau .

¹⁸ Tàng wì phù cròng tagit ka pì, aih pì loq wì khoe git ka au adroe ka pì .¹⁹ Tàng pì mòeq bua ka cròng taneh kô , aih èh cròng taneh kô loq waq deh ka bua , mahaq au khoe ràih pì taqne cròng taneh kô pì òh mòeq bua ka wì haq, aih ìq dài cròng taneh kô majah git ka pì .²⁰ Ep hmàng bàu au khoe anoe ka pì : Hapõng òh yeo kàn òh hnau ka cla wì craq , tàng wì khoe rùp pani baxa au , wì hadai rùp pani baxa pì .Tàng wì iu bàu au hnài aih èh wì hadai iu bàu pì hnài .²¹ Mahaq taiq yiniq au , wì yõc bài trong aih hu baxa pì , majah qmang aih wì qnì ka Mangai khoe thê au trùh .²² Tàng joq au òh trùh hu hnài wì haq , aih wì haq òh i ka yiniq lui cleq , mahaq manòeq kô wì haq pì jah aclai dèh yiniq lui hòm .²³ Cabô git ka au hadai git ka Baq au .²⁴ Tàng joq au òh broq taqne wì haq trong qnhòq hmaq i cabô broq , aih wì haq òh i ka yiniq lui cleq, mahaq manòeq wì haq khoe hnoq ,mahaq dua wì haq git ka au xam Baq au .²⁵ Mahaq ajang kô aih òq xit qmang ka bàu khoe achih ta hset ranenh wì haq : Wì git ka au òh i qmòe ka yiniq.

²⁶ Jò Yiang alòng hi trùh , aih Yiang enh Baq , au thê haq trùh ta pì ,aih Yiang da bàu joq qnàng loh enh Baq , Haq aih èh ma yòng anoe panhìn am ka au .²⁷ xam bài pì , hadai yòng anoe panhìn am ka au , majah qmang aih pì khoe oe qmòe ti au enh jò baxèm.

Yiang alòng.....

16..

¹ Au khoe anoe ka pì òq ka bài yiniq kô, òq pì òh hìaq catoeh cro .² Wì hnau qnoh cađac pì loh enh gùng ka hnim tagop qyoh , ma joq qnàng tangèa kô èh jò wì jêh cađac pì, aih cla wì xoh dèh wì qnang dèch ramènh patih ka Boc Plinh .³ Wì majah broq qmang aih , taiq wì òh qnì ka Baq ,wì hadai òh canau ka au .⁴ Au khoe doe ka pì bài yiniq kô , òeq trùh jò da wì , pì jah hmàng hlài au khoe anoe ka pì . Enh baxèm au òh doe ka pì bài yiniq kô majah qmang aih au oe raq oe ti pì .⁵ Manòeq kô au padon hlài dèh ta Mangai khoe thê au trùh , pì òh i cabô leq bòch au : Ìh padon lam taleq?⁶ Mahaq au anoe bài yiniq kô ta manoh pì bình bauq kan mangò .⁷ Mahaq au doe qnàng ka pì : Au lam aih troq ka pì . Tàng au òh lam , Yiang alòng òh trùh ta pì , mahaq tàng au lam , au jah thê

Haq trùh ta pì . ⁸Jò Haq trùh , haq broq ka crông taneh kô canau deh kan yiniq lui , kan taq toq xam kan hadrah . ⁹kan yiniq lui aih taiq wì haq ùh lùì au, ¹⁰kan taq toq , aih taiq au hlài dèh ta Baq , aih èh pì pi hnoq au hòm , ¹¹kan hadrah, aih taiq bùa crông taneh kô khoe pòq kan hadrah. ¹² Au oe i bàc yiniq hu anoe ka pì , mahaq bài yiniq aih manòeq kô padren pì qnhòq hlàt wê . ¹³Mahaq jò Yiang da Bàu joq qnàng hi trùh , Haq aih èh ma hu ajèn qmùt pì tarim bàu joq qnàng , majah qmang aih Haq ùh capoch ðeh , mahaq anoe yiniq haq ma khoe tàng , rai anoe am ka pì loq bài yiniq padon trùh ta ngèa kô èh . ¹⁴Haq aih èh ma paqngah Yiniq au , majah qmang aih Haq yòc bài yiniq enh au ðòeq hu anoe am ka pì . ¹⁵ Dìq rìm yiniq Baq i , aih jah au , dàì au majah doe : Haq yòc bài yiniq enh au ðòeq hu anoe am ka pì loq .

¹⁶ Chuaq Jesus anoe hòm “ Oe toq biaq hòm pì pi hnoq au , khoe ka aih toq biaq pì hi jah hnoq au” .

¹⁷ Jò aih , i toq biaq ngai tiaq hóc hatuàng ka dabau: Oe toq biaq hòm pì pi hnoq au , khoe ka aih toq biaq , pì hi jah hnoq hlài au , aih haq doe : Au hlài dèh ta Baq . Qmang aih iq qmang leq? ¹⁸ Mangai tiaq hóc tabòch yôt dabau : Oe toq biaq hòm aih iq haq doe cleq ? Bèn ùh qnì tàng qmòe haq anoe cleq . ¹⁹Jesus hnoq wì enh bòch , Haq doe ka wì “ Ajoq pì bòch dabau au anoe cleq jò au doe : Oe toq biaq hòm pì pi hnoq au hòm , èh khoe ka aih toq biaq pì hi jah hnoq hlài au ?” ²⁰Joq qnàng , joq qnàng au doe ka pì , kô èh pì jah crò hmoe , wì crông taneh jah lem bùi , pì jah kan mangò mahaq kan mangò da pì jah wìh wìa kan bùi lem . ²¹Mangai gucadri jò hauang aih jìq pi cajaq , majah qmang aih khoe trùh dèh jò , yàng jò kon khoe jah clih enh cliac , haq pì hmàng dèh kan jìq hòm, toq lem bùi jò hnoq ðeh khoe jah hauang qnoh mòeq ngai ta crông taneh kô. ²²Qmang ka pì manòeq kô qnang mangò ,mahaq au jah hnoq hlài pì, jò aih pì hi lem bùi , ùh i cabô jah qnung yòc da pì kan lem bùi aih . ²³Hi aih èh pì pi oe bòch au cleq hòm . Joq qnàng , joq qnàng au doe ka pì , enh dalam ka yiniq au pì bòch cleq dua Baq am ka pì. ²⁴Trùh manòeq kô pì qnhòq canòm ka yiniq au ðòeq hu bòch cleq . Bòch beq aih pì hi jah ,dôq kan lem bùi pì jah gèh geo. ²⁵ Au khoe aliah ka pì bài yiniq aih . Kô èh au pi yòc bàu aliah ðòeq anoe ka pì hòm , mahaq au capoch hloh dôq pì loq ka Baq. ²⁶ Hi aih èh , pì hi yòc yiniq au ðòeq hu bòch . Au ùh i doe au bòch am ka pì . ²⁷ Ùh ! Cla Baq raq ma loq waq ka pì , majah qmang aih pì khoe loq waq ka au rai lùì au trùh enh Baq . ²⁸Au khoe loh enh Baq ðòeq trùh ta crông taneh , manòeq kô au cađac crông taneh kô ðòeq hu hlài dèh ta Baq. ²⁹ Mangai tiaq hóc doe : Manòeq kô ìh khoe capoch hloh , pì hìaq capoch aliah hòm . ³⁰Manòeq kô nhèn loq ìh loq rìm trong , ùh ep ka cabô bòch ìh , ajang aih nhèn loq ìh loh enh Boc Plinh . ³¹ Chuaq Jesus doe “ Ajoq manòeq kô pì khoe lùì ?” ³² Khoe ten trùh jò , majoq qnàng aih khoe trùh , aih jò dìq ka pì mangai haprah hapriang ðeh hra , cađac au oe ðeh mòeq ngai , mahaq au ùh oe ðeh mòeq ngai , majah qmang aih Baq oe ti au . ³³ Au khoe anoe ka pì qmang aih dôq manoh pì jah kan catèm ta au . Pì glàm bàc kan ranàc kàn ta crông taneh kô , mahaq cajap manoh oq , au khoe blêq crông taneh kô .”

Jesus waiq khàn

17...

¹ Atiq ka anoe bàu kô , Chuaq Jesus qngoc ngan ta plinh rai waiq khàn “ Baq ! khoe trùh jò , ìh broq dôq on jah kan ranhòm , ðòeq kon hadai jah dèch kan ranhòm ka baq . ² ma jah qmang aih baq khoe

am ka kon cwàng enh qnhèq òi dǝng ka rìm ngai , òòeq Kon jah am kan rìh halinh mòeq òòeq ka mangai ìh ma khoe am ka kon . ³ Manòeq kô , kan rìh halinh mòeq òòeq aih iq: Canau ka Baq rai loq toq ìh raq Boc Plinh joq qnàng , xam Jesus Christ mangai ìh khoe thê trùh . ⁴ Kon khoe dèch kan ranhòm ka baq ta crǝng taneh , broq gèh trong baq thê broq . ⁵ Manòeq kô Baq ! Ìh broq ka kon jah ranhòm enh ngèa ka ìh xi kan ranhòm kon khoe i qmòe anòe ìh , adroe ka jò i crǝng taneh . ⁶ Kon khoe paqnoh yiniq ìh am ka bài mangai ìh ma khoe am ka kon taqne crǝng taneh kô , wì haq mangai da Baq , ìh khoe am ka kon , wì haq khoe wèq bàu ìh . ⁷ Manòeq kô , wì haq khoe loq rìm yiniq ìh am ka kon aih òi trùh enh Baq . ⁸ Majah qmang aih , au khoe am hlài ka wì bàu baq ma am ka kon ,wì haq khoe wèq yǝc bàu aih. Wì haq loq joq qnàng Baq khoe thê kon trùh. ⁹ Kon waiq khàn ka wì haq , ùh xài waiq khàn ka crǝng taneh kô , mahaq waiq khàn ka mangai baq khoe am ka kon , majah qmang aih wì haq mangai da ìh . ¹⁰ Rìm yiniq da kon i aih da Baq ,rìm yiniq da baq i aih da kon . Èh ajang wì haq kon jah kan ranhòm . ¹¹ Kon pi oe dùnh ta crǝng taneh kô hòm , mahaq wì haq oe raq ta crǝngtaneh kô , kô èh kon bròc ta baq . Baq Hadròeh , ìh wèq wì haq ta yiniq cwàng i tai da ìh , yiniq ìh ma khoe am ka kon , òòq wì haq wìa mòeq tiah ka bèn aih mòeq . ¹² Jò kon oe raq ti wì haq , kon khoe wèq wì haq jah catèm ta yiniq baq, aih yiniq ìh am ka kon. Enh gùng ka mòeq ngai kon da kan lùng pac , ta qne wì haq ùh hnhung mòeq ngai, òòq bàu Hset Hadròeh jah xit . ¹³ Manòeq kon hlài ta baq, mahaq kon anoe bài bàu kô jò kon oe raq ta crǝng taneh , òòq ta manoh cliac wì haq jah bình kan lem bùi da kon ¹⁴ Au khoe am ka wì haq bàu ìh , crǝng taneh kô tagit ka wì haq , majah qmang aih wì haq pi xài mangai da crǝng taneh kô tiah ka kon hadai ùh xài mangai da crǝng taneh kô. ¹⁵ Kon ùh waiq ìh dèch wì haq loh khoe crǝng taneh kô mahaq waiq Baq wèq wì haq khoe ka mangai dù . ¹⁶ Wì haq ùh oe xài mangai da crǝng taneh qmang troeq kon hadai ùh xài mangai da crǝng taneh kô .

¹⁷ Waiq Baq yǝc bàu joq qnàng broq wì haq jah hadròeh , bàu ìh aih bàu joq qnàng . ¹⁸ Qmang ka Ìh khoe thê kon ta crǝng taneh kô , au hadai thê wì haq ta crǝng taneh kô . ¹⁹ Taiq wì haq kon majah broq radeh hadròeh , òòeq wì haq hadai canòm ka bàu joq qnàng hu jah wìh wìa hadròeh. ²⁰ Ùh xài kon waiq khàn am toq ka wì haq, mahaq waiq khàn hloe ka bài mangai ma lùl kon jò tàng bàu wì haq anoe . ²¹ òòq rìm ngai jah wìa mòeq, tiah ka Baq oe enh dalam ka kon èh kon hadai oe enh dalam ka Baq, òòeq wì haq hadai oe enh dalam ka bèn , waq ka crǝng taneh kô lùl cla Baq khoe thê kon . ²² Kon khoe am ka wì haq kan ranhòm Baq ma khoe am ka kon, òòeq wì hadai pajùm broq mòeq tiah ka bèn kô dua mòeq raq ²³ Kon oe enh dalam ka wì , Baq oe enh dalam ka kon , qmang aih wì jah wìa mòeq gèh geo ti dabau . Aih èh crǝng taneh kô hu jah ngan loq ìh thê au , au hadai khoe loq waq ka wì haq tiah ka ìh khoe loq waq ka au . ²⁴ Baq ! Kon enh cla kon oe taleq bài mangai ìh khoe am ka kon hadai jah oe ti kon ta aih , òòeq wì haq jah ngan hnoq kan ranhòm da kon , aih kan ranhòm Baq khoe am ka kon , majah qmang aih Baq khoe loq waq ka kon adroe ka broq loh crǝng taneh . ²⁵ Baq tatoq ôi ! Yac ka crǝng taneh kô ùh lòm qni ka Ìh , mahaq kon loq ka ìh , wì kô hadai loq ìh khoe thê kon. ²⁶ Kon khoe paqnoh yiniq Baq am ka wì haq loq , èh kon oe raq paqnoh hòm , òòq kan loq waq Baq ma loq waq ka kon jah oe dalam wì haq , èh cla kon hadai oe enh dalam ka wì haq.

Wì rùp Jesus.....

18...

¹ Khoe ka waiq khàn , Chuaq Jesus xam mangai tiaq hóc pùh tồc apah tau thông diac Xêr-rôn . Ta aih i mòi q toq wuàn , Chuaq Jesus xam mangai tiaq hóc mùt dồng ta aih . ² Juđa mangai ma blòq Chuaq Jesus hadai loq nòi aih , majah qmang aih Chuaq Jesus xam mangai tiaq hóc bàc yàng tagop dabau ta aih . ³ Juđa qnung mòi q calùh lình , xam bài mangai enh wì pajàu kàn xam bài mangai Pharisi thê lam , wì haq wê hadreo xam ranac mùt ta aih . ⁴ Chuaq Jesus khoe loq i yiniq padon trùh ka dàđeh, haq cadiang trùh bòch “ Pì chaq cabô ?” ⁵ Wì aih padreo bàu : Nhèn chaq Jesus mangai Naxaret. Chuaq Jesus doe “ Au kô raq !” Juđa mangai blòq Chuaq Jesus hadai yòng ti wì ta aih.⁶ Jò Chuaq Jesus doe “ Au kô raq ” wì aih talùì tacro dồng ta taneh . ⁷ Chuaq Jesus bòch hòm “ Pì enh chaq cabô?” wì padreo bàu : Chaq Jesus mangai Naxaret !. ⁸ Chuaq Jesus doe hòm “ Au khoe doe ka pì hacô raq au ,tàng joq pì chaq rùp au , pì ep caqnaih wì kô lam . ⁹ Qmang aih dôi xit troeq bàu cla haq doe “ Au ùh cađac hnhung mòi q ngai leq ìh ma khoe am ka au.” ¹⁰ Simôn Phiero i mòi q rala chang , haq doeh chang jêh mangai hapông da pajàu kàn , koh catech da mangai aih don pah qma . Mangai hapông aih yiniq haq Manchu . ¹¹ Mahaq Chuaq Jesus thê Phiero “ Qmùt chang qmat ta caqnop beq , chrông Baq qnèp ka au wì ka au ùh ôq qmòh?”. ¹² Khoe aih bài lình xam cla craq , hloe xam diq dồng bài mangai loh enh mangai Juđa wiang rùp kàt Chuaq Jesus . ¹³ Baxèm aih , wì aràng Chuaq Jesus trùh jang Anne ,majah qmang aih haq aih baq mai da Caiphe , hanam aih haq qnang broq craq pajàu haqnèq . ¹⁴ Caiphe aih raq mangai ma khoe doe ka mangai Juđa rameh: Dôi mòi q ngai raq cachit am diq dồng ka mangai qnoeq , ma aih yeo troq

¹⁵ Simôn Phiero xam mòi q ngai tiaq hóc ma qnoeq lam tiaq atiq ka Chuaq Jesus .Mangai tiaq hóc aih i canau ka craq pajàu haqnèq, aih iq haq jah mùt ti Chuaq Jesus ta hamlang hnim craq pajàu kàn. ¹⁶ Mahaq phiero aih haq yòng gòm enh gùng ,haten ka trong qmang.Mangai tiaq hóc mangai ma i canau ka craq pajàu haqnèq loh poch tuàng ka mangai hapông cadri ma gòm qmang , khoe aih haq hi qmùt Phiero mùt diq . ¹⁷ Mangai hapông cadri ma gòm qmang aih bòch Phiero : Ìh kô , hadai mangai tiaq hóc mangai tau ,joq ùh? Mahaq Phiero doe : Au ùh xài . ¹⁸ Trỗc tanget , diq ka bài hapông xam bài lình baxù tanùh ùnh , wì yòng dudan qnhia ka hatôq . Phiero hadai yòng qnhia ti wì .

Craq pajàu haqnèq bòch Jesus ...

¹⁹ Craq pajàu haqnèq ti àu bòch trùh bài mangai tiaq hóc xam trong Chuaq Jesus loq hnài .²⁰ Chuaq Jesus doe “ Au hmaq anoe hloh yôt am ka wì phù cròng , jò leq au ma ùh hnài ta hnim tagop xam hnim kùh waiq , aih nòi diq ka mangai Juđa tagop ti dabau , au qnhòq lah capoch cadoc qmòi yiniq cleq. ²¹ Hagleq pì ma ti àu bòch au ? Drah lam bòch bòi mangai ma khoe lah tàng au hnài beq ,wì aih loq au anoe cleq . ²²Jò Chuaq Jesus doe qmang aih , i mòi q ngai patih ta hnim cwan yòng ten aih , dèch ti tep haq rai doe : Ìh hùà hatèu ka craq pajàu haqnèq qmang aih ayòq?. ²³ Chuaq Jesus doe “ Tàng joq au capoch ajang leq ùh troq, patô beq , tàng au anoe troq gleq ìh ma jêh au ? ²⁴ khoe aih, jò wì oe raq kàt, Anne thê wì aràng Jesus trùh ta hnim Caiphe aih craq pajàu haqnèq . ²⁵ Jò aih Simôn Phiero oe raq yòng qnhia ùnh , i mangai bòch haq : Ìh kô hadai mangai tiaq hóc haq tau joq ùh ? Phiero hangah : Au ùh xài . ²⁶ I mòi q ngai hapông da craq pajàu haqnèq, hadròng ka

mangai Phiero ma koh catech da haq don , doe : Ma ùh joq au hnoq ìh oe ta wuàn ôliu ti haq tau qmòh ? ²⁷ Mòeq yàng hòh Phiero hangah cadac hloe ,wop jò aih raq ia hi rông .

Jesus yòng enh ngèa ka Philat ...

²⁸ Khoe aih , bài gucraq Juđa qnung Chuaq Jesus enh hnim Caiphe trùh tanòe hnim hadarh Rôma . Jò aih oe raq sroeh sroq .Cla wì haq ùh waq mùt tanòe hadrah , wì waq ka dađeh jah sròeh ðòeq hu acaq ramènh Pancwa . ²⁹ Qmang aih , Philat cadiang loh bòch wì : Pì tah hadrah ka haq kô yiniq lui cleq? ³⁰ Wì padreo bàu : Tàng haq kô ùh xài mangai dù , nhèn ùh aràng haq trùh ta ìh . ³¹ Philat doe ka wì : Cla pì rùp ahlài hadrah tiaq deh ranenh da cla pì beq. Wì padreo bàu : Nhèn ùh i cwiang hadrah jêh đac cabô .³² Qmang aih waq ka xit qmang ka bàu Chuaq Jesus khoe anoe đeh cachit qmang leq. ³³ Philat wìh mùt tanòe hadrah ,creo ka Chuaq Jesus hu bòch haq: Ìh kô ajoq bùa mangai Juđa? ³⁴ Chuaq Jesus bòch “ Aih iq cla ìh capoch tiaq deh manoh , loq khoe i cabô anoe ka ìh loq ka au ? ³⁵ Philat padreo bàu : Au kô iq ma mangai Juđa qmòh? Mangai cla pì xam bài pajàu kàn rùp ìh aràng ka au . ìh khoe broq yiniq lui cleq ? ³⁶ Chuaq Jesus doe “ Diac au ùh xài oe ta crông taneh kô , tàng joq diac au oe ta crông taneh kô , bài bua au khoe tajêh ðòeq tát bài gucraq Juđa ùh dôq wì aih rùp au . Mahaq manòeq kô diac au ùh oe ta crông taneh kô ” . ³⁷ Philat bòch hòh: Tàng qmang aih ìh kô bùa joq qnàng qmòh? . Chuaq Jesus têu “ Joq qmang ka bàu ìh doe , au kô bùa , aih iq raq au majah ha-uang loh ta crông taneh kô ðòeq hu anoe bàu joq qnàng . Mangai leq mòeq bua da bàu joq qnàng , mangai aih èh tàng bàu au .³⁸ Philat bòch : Bàu joq qnàng aih qmang leq? Khoe aih haq loh hòh enh gùng doe ka bài mangai Juđa : Au ùh i hnoq qmòe haq kô i yiniq lui cleq . ³⁹ Mahaq pì khoe hmòt , waq toq trùh hì Ramènh Pancwa , au hì caqnaih ka pì mòeq ngai loh enh hnim clêh , qmang aih pì i enh au caqnaih da pì bùa Juđa ùh? ⁴⁰ Dìq dõng ka wì cajiah cadêh : Apa q caqnaih haq qmat, mahaq caqnaih da nhèn Baraba! . Baraba aih mangai loq ti atùng.

Bài linh ti halê Jesus

19...

¹ Khoe aih, Philat thê wì rùp qnung lam blai Chuaq Jesus . ² Bài linh broq mòeq toq cadoh yila , dèch pacôi ta gàu Chuaq Jesus , rai taqmàn ka haq mòeq blah eo gòh . ³ Khoe èh ,wì thia haten doe ka haq : Waiq bùa Juđa . Khoe èh wì dèch ti tep haq . ⁴ Philat loh enh gùng doe hòh ka mangai Juđa ma oe ta aih : Ngan kô ! Au qnoh haq enh gùng, dôq pì loq au khoe chaq ùh lòm hnoq qmòe haq kô i yiniq lui cleq . ⁵ Jò Chuaq Jesus loh enh gùng gàu haq kôi cadoh yila , chac haq caxùnh eo gòh , Philat doe ka wì : Pì ngan mangai kô ! ⁶ Mahaq jò bài pajàu kàn xam bài mangai ma tiaq wì haq bu hnoq Chuaq Jesus , wì khoe cachech : Drah tiang đình haq qmat talong pagat ! drah tiang đình haq qmat talong pagat ! Phi lat doe ka wì : Cla pì rùp tiang đình mangai kô talong pagat beq, majah qmang aih au ùh lòm hnoq haq kô i yiniq lui cleq . ⁷ Mangai Juđa doe : Nhèn i dèh ranenh , tiaq ranenh aih haq qmat ep cachit , majah qmang aih haq doe đeh Kon Boc Plinh . ⁸ Jò Philat tàng qmang aih , kiang haq crê ùh hnau hòh. ⁹ Philat wìh mùt hlài tanòe hadrah bòch Chuaq Jesus : Ìh trùh enh leq ? Mahaq dua Chuaq Jesus ùh têu . ¹⁰ Philat doe : Ìh ùh waq têu au, Ìh ma ùh qnì au i cwiang caqnaih , i cwiang tiang đình ìh qmòh? ¹¹ Chuaq Jesus padreo bàu “ Tàng ùh xài enh qnhèq

khoe am ka ìh cwiàng aih , ìh ùh i cwiàng cleq enh qnhèq ka au , qmang aih mangai ma rùp au aràng ka ìh , mangai ma i tuiq yeo kàn .

¹² Pang aih Philat toq chaq trong hu caqnaih Chuaq Jesus , mahaq mangai Judà cajiah yeo dèh hòh: Tàng joq ìh caqnaih mangai qmat , ìh pì xài mòeq bua ka Sêsa hòh , majah qmang aih cabô doe rađeh kô bùa , mangai aih enh yòng tablêq ka Sêsa ¹³ Philat tàng bàu qmang aih , haq hi qnoh Chuaq Jesus loh enh gùng , haq hangui ta gèq hadrah , ajang aih wì creò dèh Pawi (bàu Hebru creò Gabatha) . ¹⁴ Hì aih wop hì padon ka Ramènh Pancwa , jò aih khoe qne hì , Philat doe ka mangai Judà : Kô bùa pì . ¹⁵ Mahaq wì cajiah cadêh : Jêh đac haq beq ! jêh đac haq beq ! tiang đình haq talong pagat beq ! Philat doe ka wì : Au tiang đình bùa pì talong pagat qmòh? Bài pajàù kàn doe : Enh gùng ka Sêsa , nhèn ùh i ka bùa ma qnoeq . ¹⁶ Pulùch aih , Philat hì am ka wì Chuaq Jesus òeq wì qnung lam tiang đình haq talong pagat . Qmang aih wì hi rùp qnung Chuaq Jesus .

Jesus talong pagat

¹⁷ Chuaq Jesus xùì dèh long pagat trùh ajang nòe ta aih wì creò go Cadôh ,(bàu Hebru aih creò Gogôtha) ¹⁸ Wì tiang đình haq ta aih , i baiq ngai qnoeq hòh ti haq , mòeq apah mòeq ngai , Chuaq Jesus oe taqne wa . ¹⁹ Philat broq mòeq capiac long ban , òeq enh gàu ka long pagat .Ta aih i achìh : JESUS MANGAI NAXARET , BÙA DA MANGAI JUDÀ.

²⁰ Bàc ngai Judà òeq bàu kô majah qmang aih nòe tiang đình Chuaq Jesus haten ka plài , èh bàu aih achìh tiaq bàu Hebru , bàu Latin xam bàu Gorec . ²¹ Bài pajàù kàn da mangai Judà lam anoe ka Philat : Apa q achìh bùa da mangai Judà, mahaq achìh mangai kô doe rađeh kô bùa mangai Judà . ²² Philat doe : Bàu au achìh cleq, au khoe achìh.

²³ Jò bài linh khoe tiang đình Chuaq Jesus talong pagat, wì lêh yóc da haq eo òeq hu lah axong broq pôn phần , mòeq ngai mòeq phần ka wì haq , wì hadai yóc da haq eo yôh .Mahaq eo yôh kô ùh i ka trong jip, khoe jah atênh mòeq yàng enh qnhèq trùh taqneq . ²⁴ Wì haq doe ka dabau : Apa q hit eo kô ,beq bèn pàih paqnàih , troq ka magari leq ,mangai hi jah . Qmang aih , waq ka xit qmang ka bàu Hset hadròeh achìh :

Wì ta axong ka dabau eo au ,

Pàih paqnàih hu yóc eo yôh au .

Aih biac da bài linh ma khoe broq .

²⁵ Hatén ka long pagat da Chuaq Jesus , miq haq xam daq miq haq yòng jang aih, i Mari cadri da Clê-ôba ,hloe xam Mari Mađolen hòh . ²⁶ Chuaq Jesus hnoq deh miq xam mangai tiaq hóc đeh ma loq waq , Chuaq Jesus doe “ Qmat miq ìh .” Pang hì aih , mangai tiaq hóc aih hì ahlài miq da Chuaq Jesus ta hnim òeq hu wèq ban . ²⁸ Khoe aih, loq rìm yiniq khoe jah gêh, èh bàu Hset hadròeh hadai khoe jah xit , Chuaq Jesus doe “ Au croh ranõng . ²⁹ Ajang aih i mòeq toq abôq diac jòq, wì yóc cato capaih tàh ta diac aih, kàh cato aih ajang goe long dèch ta hacùng Chuaq Jesus . ³⁰ Jò Chuaq

Jesus khoe jah diac jòq aih , haq hi doe “ Rìm yiniq khoe jah gêh.” Haq wech gàu , mahua yiang haq hi loh.

³¹ Hì aih wop hì padon ramènh Pancwa , hì atiq aih troq hì Sabat ,yàng hì Sabat kô aih diq jaq kàn , dài aih bài gucraq mangai Juda ùh enh dôt ta hì Sabat bài hanang oe raq ta long pagat. Wì haq trùh bôch Philat am wì tùq tagoh caxènh tangong òdeq hu qnoh bài hanang enh long pagat loh ta haqneq . ³² Qmang aih , linh trùh tong tagoh caxènh tangong mangai baxèm , èh trùh mangai ma tau diq , aih wa mangai wì tiang ònh pajum ti Chuaq Jesus. ³³ Jò bài linh trùh ajang Chuaq Jesus , hnoq haq khoe cachit , wì pi hiaq tùq tagoh da haq tangong hòm . ³⁴ mahaq i mòeq ngai linh yôc jaoq bit da haq yimìa cabông,tajòe qmòe xam mahim xam diac dahrôq loh. ³⁵ Mangai ma khoe jah hnoq bài yiniq aih haq hi taqmon hlài (bàu haq anoe aih joq qnàng, cla haq loq ka òdeh anoe joq qnàng) òdeq pì hadai lùì . ³⁶ Bài yiniq kô ,khoe loh qmang aih dôt xit tiaq bàu kô ta Hset hadròeh : “Ùh i mòeq toq caxènh leq da haq tagoh”. ³⁷ Èh i bàu kô hòm ta Hset hadròeh : “Wì jah hnoq mangai wì ma khoe bit” .

Catùh hanang Jeus....

³⁸ Atiq ka aih , Jôsep mangai oe ta Arimathê , haq aih mangai tiaq hóc Chuaq Jesus mahaq haq cadoc òdeh majah qmang aih haq crê ka bài gucraq Juda. Haq trùh ajang Philat bôch yôc hanang Chuaq Jesus .

³⁹ Nicôðem aih mangai nêh haq hadai khoe trùh ti Chuaq Jesus jò damang , jò aih haq hanoh trùh, haq aràng jah piq jàt pôn kìq jan xua thùm jràu pajum ti gahnàu . ⁴⁰ Wa aih qnoh hanang Chuaq Jesus yôc bai xam diac jreo xua thùm lom hanang Chuaq Jesus tiaq ranenh mangai Juda . ⁴¹ Jò aih , tanòe wì ma tiang ònh Chuaq Jesus i mòeq toq wuàn , ta wuàn aih i mòeq toq ralùng oe raq neo , ralùng aih qnhòq lah catùh cabô . ⁴² Wa taqngùì hanang Chuaq Jesus ta aih , majah qmang aih ,hì aih hì padon da mangai Juda , èh qnah hòm ralùng hanang haten hloe ta aih .

Jesus rìh hlài.....

20...

¹ Sroeh sroq hì baxèm tuàng ramènh, tróc bu badrèh badrah oe raq clam, Mari Maðolen lam ta ralùng hanang , hnoq hmo padit qngah ralùng khoe cadro taqnoeq . ² Haq drah cadàu chaq Simôn Phiero xam mangai tiaq hóc maqnoeq , aih mangai Chuaq Jesus ma loq waq ,haq doe :Wì khoe qnoh hanang Chuaq Jesus lam taqnoeq, ùh qnì wì òdeq haq taleq. ³ Wa Phiero xam mangai tiaq hóc maqnoeq drah tùh loh ta ralùng hanang . ⁴ Diq baiq ka wa cadàu ,mahaq mangai matau cadàu yeo òdeh ka Phiero haq trùh ta ralùng adroe . ⁵ Haq aih ki ngan hnoq bai oe ta haqneq , mahaq haq ùh mùt . ⁶ Simon Phiero trùh diq , mùt hloe ta ralùng , hnoq bai oe ta haqneq . ⁷ Mù gàu xam bai lom hanang ùh oe pajum ti dabau , mahaq khoe canua òdeq crài taqnoeq. ⁸ Jò aih mangai ma trùh adroe , hadai cadiang mùt , hnoq qmang aih haq hi lùì diq. ⁹ Majah qmang aih wa aih diq qnhòq tem bàu Hset Hadròeh anoe : Jesus ep rìh hlài enh mangai cachit. ¹⁰ Khoe ka aih , wa mangai tiaq hóc hi hlài deh tahnim . ¹¹ Mahaq Mari yòng òdeh enh gùng, haten ka ralùng hanang rai hmoe . Haq rai hmoe rai

kúp ngan ta ralùng .¹² Haq hnoq baiq bình plình caxùnh eo taboc , mòeq ngai haqngui enh gàu , mòeq ngai hangui enh jènh, ajang nòe taqngùì hanang Chuaq Jesus .¹³ Baiq bình plình bòch :Mangai gucadri meh ,gleq ìh majah crò ? Haq padreo bàu : Wì khoe qnhac Chuaq au taqnoeq,au ùh qnì wì òòeq haq taleq ?¹⁴ Capoch bu khoe ,haq hwi ngan hnoq Chuaq Jesus yòng ajang aih , mahaq haq ùh canau .¹⁵ Chuaq Jesus bòch : Mangai gucadri meh , hagleq ìh majah hmoe ? Ìh chaq cabô ? Hèm deh aih canau mangai broq wuàn , haq doe : Wì daq, tàng joq ìh khoe qnung hanang Haq taqnoeq, ìh anoe biao ka au loq , dōq au lam yōc ahlài .¹⁶ Chuaq Jesus creo ka haq “ Mari .” Mari drah hwi ngan , haq capoch bàu Hebru : Rabuni (aih la mangai hnài) !¹⁷ Chuaq Jesus doe “ Apa q bēq au , majah qmang aih au qnhòq tōc deh ta Baq , mahaq drah lam anoe ka bài oh daq au , doe ka wì loq au tōc dēh ta Baq au , aih hadai Baq pì , tōc ti Boc Plinh au , aih hadai Boc Plinh pì .¹⁸ Mari Madolen lam anoe ka bài mangai tiaq hōc : Au khoe hnoq Chuaq Jesus . Rai taqmon ka wì òìq dōng rìm yiniq Chuaq Jesus anoe ka haq.

Jesus patô rađeh ka bòe mangai tiaq hōc.....

¹⁹ Hì aih raq jò khoe xēq , aih hì baxēm ta gàu tuàng , bài qmōc qmang nòe bài mangai tiaq hōc oe , òìq clenh clòng ka cajap , majah qmang aih wì crē ka mangai Judā , Chuaq Jesus loh yòng taqne wì haq rai doe “ Catēm ka pì !²⁰ Doe qmang aih hì khoe , Haq am ka wì ngan xam tì xam yimìa haq . Mangai tiaq hōc òìq jaq lem bùì jò jah hnoq Chuaq Jesus .²¹ Haq doe hòm “ Catēm am ka pì , Baq khoe thē au qmang leq , au hadai thē pì qmang aih.”²² Èh Haq hlui qmùt hì hēm ka wì rai doe “ Dra h yōc Yiang Hadròeh beq .²³ Tàng pì caqnaih da cabô yiniq lui , yiniq lui wì aih èh jah claih , tàng joq pì ùh caqnaih da wì yiniq lui , yiniq lui wì aih ùh jah claih.”

²⁴ Mahaq jò Chuaq Jesus trùh , Thôma wì macreo Òi òim , aih mangai hadai oe ti wì mòeq jàt baiq ngai , ùh i ka mat ta aih ti bòe mangai tiaq hōc .²⁵ Wì mangai tiaq hōc qnoeq anoe ka haq: Nhèn khoe hnoq Chuaq Jesus . Mahaq haq doe : Tàng joq au ùh hnoq qmòe teo òình ta capiang tì haq ,rai tah hadrang tì ajang habau aih , tàng joq au ùh bēq yimìa haq , ùh jò leq au lùì .²⁶ Rahem hì atìq ka aih , mangai tiaq hōc Chuaq Jesus oe hòm ti dabau ta hnìm , Thôma hadai oe ti wì ta aih . Jò qmang hnìm oe raq clòng , Chuaq Jesus mùt yòng taqne mangai tiaq hōc rai doe ka wì “ Catēm am ka pì .”²⁷ Khoe aih Haq doe ka Thôma “ Yōc hadrang tì ìh tah ajang kō , èh ngan capiang tì au , hnìu tì bēq ti yimìa au , apaq cadoq manoh, mahaq toq lùì raq.”²⁸ Thôma doe : Waiq Chuaq au aih Boc Plinh au !²⁹ Chuaq Jesus doe “ Pàng ìh khoe hnoq au ìh majah lùì .Xôq ramot am ka mangai qnhòq hmaq hnoq mahaq khoe lùì .”

³⁰ Chuaq Jesus oe broq bàc kan halac enh ngēa mangai tiaq hōc mahaq ùh i achìh ta hset kō .³¹ Mahaq bài yiniq kō khoe achìh , dōq pì lùì Chuaq Jesus aih raq Mēsì ,Kon da Boc Plinh , òòeq jò pì lùì , canòm ka yiniq haq aih èh òòeq hu jah kan rìh.

Jesus ta braih Tēbi-riat....

¹ Atiq ka aih, Chuaq Jesus loh mahno rađeh hòm ka mangai tiaq hóc ta haqmai diac raxiq Têbi-riat . Bìac aih rameh: ² Simôn Phiero , Thôma (wì creo Đì đim) Natha-na-ên mangai Cana gùng Galili , kon da Sêbedê xam baiq ngai tiaq hóc qnoeq hòm oe ti dabau . ³ Simôn Phiero doe ka wì : Au lam ranang ka ,wì padreo bàu : Nhèn hadai lam ti ìh . Qmang aih wì loh ta boang , mahaq mang aih ranang ùh jah qmòe cleq . ⁴ Trùh sroeh sroq , Chuaq Jesus yòng tago mahaq bài mangai tiaq hóc ùh canau ka haq . ⁵ Haq creo ka wì “ Yôiq bài bua au , Pì ajah ka ùh?” Wì doe : Ùh jah cleq . ⁶ Haq doe ka wì “ Caqnìh hlàm enh pah qma ka boang qmat aih pì hi jah ka.” Jò wì aih caqnìh hlàm , wì jah ka bàc haraya , loh qmòe ka pì hlàt dèch dèh hlàm . ⁷ Mangai tiaq hóc Chuaq Jesus ma loq waq doe ka Phiero : Hatau raq Chuaq . Jò Simôn Phiero tàng doe : Aih raq Chuaq, haq drah yóc caxùnh dèh eo yôh (majah qmang aih haq oe chac dech) rai hadrùc ta diac . ⁸ Bài mangai tiaq hóc maqnoeq chùng boang atóc tago rai chua hlàm khoe bình bài ka ,majah qmang aih wì haq ùh hìaq hangai ka go , loq jah bu baiq hrinh hagat . ⁹ Jò mangai tiaq hóc khoe tóc tago , hnoq ta aih i ka phiang ta ngia ùnh , bènì hadai i . ¹⁰ Chuaq Jesus doe ka wì haq “ Aràng ka pì neo ranang tacô ”. ¹¹ Simôn Phiero cadiang loh ta boang , rai hua hlàm hlech jah mòeq hrinh padam jàt piq pliang ka kàn atóc tago , mahaq yac ka hnoq jah bàc qmang aih , hlàm dua ùh hyah . ¹² Chuaq Jesus doe ka wì “ Thia tacô hu acaq di sroq.” Ùh i moeq ngai tiaq hóc leq hùà bóch : Ìh kô iq cabô? Wì loq aih raq Chuaq Jesus. ¹³ Chuaq Jesus lam haten yóc bènì yóc ka am ka mangai tiaq hóc . ¹⁴ Aih yàng piq Chuaq Jesus mahnu rađeh am ka mangai tiaq hóc hnoq, atiq ka haq rìh hlài enh mangai cachit.

Jesus hatuàng ka Phiero.....

¹⁵ Jò wì khoe hêq ka acaq, Chuaq Jesus doe ka Simôn Phiero “ Simôn kon da Jôna ,ajòq ìh loq waq ka au ùh hnau ka wì kô ùh? Phiero doe : Chuaq au , jòq ìh loq au loq waq ka ìh . Chuaq Jesus doe “ Qmì da au trùu kon acaq . ¹⁶ Chuaq Jesus doe hòm yàng baiq “ Simôn kon da Jôna , ajòq ìh loq waq ka au ùh hnau ka wì kô ùh?” Phiero padreo bàu : Chuaq au , jòq ìh loq au loq waq ka ìh. Chuaq Jesus doe “ wèq da au trùu oq .” ¹⁷ Yàng piq Haq anoe ka Simôn hòm “ Simôn kon da Jôna , ajòq ìh loq waq ka au ?” Phiero diq jaq mangò ta manoh majah qmang aih Chuaq Jesus bóch haq piq yàng : “Ajoq ìh loq waq ka au ?” Phiero doe : Chuaq au , ìh loq rìm trong , ìh loq au loq waq ka ìh . Chuaq Jesus doe ka haq “ Qmì da au trùu .” ¹⁸ Jòq qnàng au anoe ka ìh , jò ìh oe raq radam , cla ìh kàt dèh kaxi caqnam , enh lam taleq lam , mahaq trùh jò ìh hi craq , ìh hnhu tì am ka wì kàt da ìh kaxi caqnam qnung ìh trùh tanòe ìh ùh enh lam. ¹⁹ Chuaq Jesus anoe bàu kô òòeq patô ka Phiero haq loq rađeh kô èh cachit qmang leq dôq ka Boc Plình jah kan ranhòm. Khoe aih haq doe ka Phiero “ Lam tiaq au .”

²⁰ Phiero hwi ngan hnoq mangai tiaq hóc Chuaq Jesus ma loq waq qnang tiaq wa, aih mangai mang wì haq ma acaq ramènh Pancwa , haq ma angèn ta rada Chuaq Jesus rai bóch : Chuaq au , cabô ma blòq ìh? ²¹ Jò hnoq mangai aih , Phiero bóch : Chuaq au ! ha mangai meh èh qmang leq? ²² Chuaq Jesus padreo bàu “ Tàng jòq au enh ka haq qmat oe rìh yôt trùh hì au wìh hlài , aih ep cleq ka ìh ? mahaq ìh kô ep tiaq au . ²³ Aih iq taqne oh daq majah i bàu doe :Mangai tiaq hóc aih ùh cachit . Mahaq ùh xài Chuaq Jesus doe haq aih ùh cachit , haq toq doe “Tàng jòq au enh ka haq qmat oe rìh yôt trùh hì au wìh hlài , aih ep cleq ka ìh?”

²⁴ Cla mangai tiaq hōc kô raq ma rai anoe rai achih hlai bài yiniq kô , bèn loq bàu haq ma anoe aih joq qnàng . ²⁵ Oe i bàc yiniq qnoeq Chuaq Jesus khoe broq , tàng joq achih hlai diq tang yiniq , au hèm diq dōng ka cǝng taneh kô ùh anòh òòeq hset wì ma achih aih .

